

BENEDICTI (2)

ACCOLTI

ARETINI

DIALOGVS

De præstantia Virorum sui Aevi.

EX BIBLIOTHECA

Illustrissimi ac eruditissimi Viri

D. ANTONII

MAGLIABEQVII

Magni Etruriæ Ducis
Bibliothecarij.



PARMÆ, Apud Hæredes Marij Vignæ.
1689. Superiorum Consensu.

RECEIVED

17 18 18 18

17 18 18 18

24 18 18 18

17 18 18 18

17 18 18 18

17 18 18 18

RECEIVED

17 18 18 18

17 18 18 18

17 18 18 18

17 18 18 18

17 18 18 18

17 18 18 18

17 18 18 18

17 18 18 18

17 18 18 18

17 18 18 18

17 18 18 18

17 18 18 18

3

*Omnis eruditionis, ac singularis
Pietatis Viro*

**D. ANTONIO
MAGLIABEQVIO**

mi
Ser. Etrurię Ducis Bibliothecario

D. B. B.

S. P. D.

E *T*si nemini ignotum sciam quanta
Musæ, quanta Musarum cultores ti-
bi debeant V.C., opportunè tamen
eius recordari, ac illud memorare
iuvat, cum te largiente, aureum profectò Be-
nedicti Accolti Opusculum in lucem prodit.
Scripserat ille temporũ suorum, & Virorum
recentioris ævi quâ Sanctitate, quâ eruditio-
ne, quâ militari fortitudine celebrium, contrã
superstiosos antiquitatis Cultores, ac mo-
dernæ virtutis esores Apologiam, verũ
hanc vel tineis situq. consumptam, vel cer-
tè alicubi delitescentem doleremus, nisi
tu quò erga studia es amore, in refertissimo
Museo asservasses, & qua ergà studiosos

A 2 *viges*

viges humanitate eandem è schædis vt lucē publica fruereetur eduxisses. Id enimuerò optimè nostræ ætatis fato accidisse gratulor, nec enim tantummodo scriptam ab Accolto exhibes, pro postremorum sæculorum dignitate, Apologiam, verùm alteram vi-
nam, promideq. maiori energia præditam, exhibes, videlicet, temetipsum. Quod enim Accoltus habet siue in argumentis ex ipsis causæ visceribus erutis, siue in summa clarorum exemplorum frequentia, roboris, si quæ de militati fortitudine narrat excipias, quod in te, neruosius quidem, ac ad rationis pondera firmanda validius non emicet? Mores tuos ad pietatem compositos, ac ab omni voluptate remotos, animi tui candorem, comitatem, sinceritatem, ac demùm te

cui pudor, & iustitiæ Soror

Incorrupta Fides nudaq. veritas;

si cùm veterum virtute conferamus; habebimus herclè quo te vnum, frequentem antiquitatis gloriam æquasse gloriemur. Quod si ad tuam eruditionem conuertimus animum, maiori argumenti vi causa nostra fulcitur; nec enim fortè credent Posteriquæ de ea, & coràm magno sanè volupta-

tis favore experti sumus, & sæpè sæpius ex
 sapiētissimorum Virorum paginis haurimus.
 Quod Veteres scriptore, quamuis abditum,
 dummodo ad nostram ætatem superstes post
 sæculorum anteactorum barbariem perue-
 nerit, omne nouisti; assiduo, improboq; se-
 dulæ lectionis, ac scriptionis labore, quid-
 quid vsquequa. in absolutissimis Europæ Bi-
 bliothecis asseruatur, ità assequeutus es, ut
 nil noui afferat tibi fecundissima litterato-
 rum Respublica. Confluunt vndiq. ab vltimis
 cultioris orbis partibus doctissimi Viri, &
 cum magna te fama præceßerit, maior in-
 ueniris. Quibus omnibus accedit summa
 animi tui comitas, qua erga quoscumq. v-
 teris qui literario nomine quoquo modo cen-
 sentur; ipse enim, qui plurimis virtutibus
 abundas, alienas sic amas. Quem eorum
 benignissimo sinu non complecteris? cuius
 nam literarios labores non promoues? cui-
 nam è ditissimo sapientiæ tuæ penu the-
 sauros liberaliter non aperis? Hinc veros
 virtutis amatores diligens, ab ipsis æque
 diligeris. omnium eruditorum per Europam
 degentium animos ità deuixisti, ut te eti-
 am qui nunquam coràm viderunt, ament ac
 suspiciant, monumentisq. ære perennioribus

scriptis videlicet suis memoriã tui posteritati eternũ duraturam commendent. Vniuersi, quos vtcumq. litterarũ amor tetigit amari a te laborant, & si nõ sit laborandum, es enim obuius, & expositus plenusq. humanitate.

Videsis autem quantum ex hoc in te vnum doctorum hominum consensu Accoltiane dissertationi pondus accedat. Cum enim veluti ad sphæræ centrum, apud te Eruditorum vota conueniant; compendiosius à Benedicto asserta nostrorum temporum dignitas comprobari exemplis vix poterat, quam tui, ac per consequens tot insignium virorum tibi addictissimorum memoriam, ingerendo. Quò enim fieri poterit vt qui primis Opusculi huiusce paginis nomen, tuum legat, non statim in tui admirationem rapiatur, inde ad connexa pertransiens, tot Sapientum pietate, ac doctrina insignium non recordetur, tibi amicitie vinculo deuinctorum, qui sæculum præsens gestis, dignitatibus, ac scriptis illustrantes, veteres vel æquant, vel superant? Legens præfixum Libello titulum Serenissimi Cosmæ, ac reliquorum Mediceæ Gentis Principum munificentiam intelliget, ac fatebitur, temporibus nostris veterum Augustorum

amorem in litteras non deesse, quibus hi ar-
tes promouent, teq. eruditorum Coriphæum
honoribus prosequuntur. Is enim es Vir Clar.
quem Princeps animi magnitudine, pieta-
te ac doctrina nulli ex veteribus secundus
impensè amat, ac quolibet thesauro pre-
tiosorem habet; quem idem studiorum suo-
rum socium iam pridem elegit; cui absolu-
tissimas Laurétianam ac Palatinam Biblio-
thecas commisit; quo curante tot Libro-
rum miriades à diffitis vndeque Euro-
pæ finibus Florentiam confluxere. Non ne
magnis Viris constantia in aduersis, mode-
ratione in prosperis præditis; nonne Prin-
cipibus Ecclesiæ sanctitate potius quam di-
gnitate eminentissimis; nonne Religiosorum
cætuum Alumnis pietate, abstinentia, non
minus ac litteratura insignibus, sæculum nō-
strum abundare fatebitur; qui eorum remi-
niscetur, qui te magno ingentiq. numero di-
ligunt, colunt, venerantur? Mens erat equi-
dem eorum nonnullos recensere, quò mihi
hæc referenti maior fides adhiberetur, ve-
rùm sufficiat ex Ecclesiæ, Principibus Emi-
nentiss. Barberigum, ex Monachorum Cætu
Mabillonium, seligere, quorum nomen vix
à tuo seiungi potest, quorum pietas, ac Vir-

tus antiquissimam Ecclesiæ pietatem, ac doctrinam emulantur. Frequentissima cæterorum turba tibi additissima æqui bonique consulat si ommittitur, quamuis non omnino illaudata; inops enim à copia reddor, nec sine legentis tedio, quod unicuique cæteroquin patet, longa nominum serie referri posset.

Hæc scilicet ultro sufficiunt ut unusquisque noscat, Opusculum quod te largiente in lucem emittitur, ac tale tantumque momentum à tua pietate, & eruditione suscipit, nulli aptius quam tibi reddi debuisse. Pro beneficio etenim quo donantur vniuersi Musarum affectæ, vix soluendo essent nisi tua tibi exhibentes. Iure etiam Accoltus petebat, ut bono tui nominis emine dissertatio ederetur, quæ quondam descripta, demum ab obliuione ac situ vindicata, Seruatorem te suum agnoscit. Muneri de cætero quod tuum fuerat priusquam publici Iuris fieret, ego quidem nil addere possum præter animi obsequentissimi, ac beneficijs innumeris in me collatis deuinctissimi vota, quibus Superos orem ut te Sæculi, ac Italiæ nostræ decus sospitem seruent. Tu interim litteras, litteratosque honoribus prosequi perge, meque horum numero minimè accensendum, ut soles, ama. Vale.

Alu.

Illustrissimo ; & Encyclopedico Viro
D. D.

ANTONIO
MAGLIABECHIO
SERENISSIMI
COSMI III

Magni Etruriæ Ducis VI.

A' Bibliothecis.

D. ABBATIS IACOBI Mariæ CENNI.

Quæ tam seposita est, vel quæ tam incognita
[virtus,
Quam tu non teneas mente, animoque tuo?
Scis quidquid Phœnix, quidquid iam scripsit Hebræ
Ægyptusue sagax, æstraque doctus Arabs; (us
Et quæ Græcorum fastus monumenta reliquit,
Romanusque orbi quæ sua iura dedit.
Omnia tu calles. Libri periere vetusti,
Mente tamèn libri non perire tuà.
Non auro, gemmisque tibi pretiosa supellex,
Innumeris libris sed pretiosa magis.
Hæc tamèn haud miror, miror quòd tu liber vnus,
Viuæque tu solus Bibliotheca nites.
Quâ benè nunc igitur tibi sacra volumina cernos?
Dantur enim quæ iam mète animoque tenes

Ad Illustrissimum Dominum

ANTONIUM

MAGLIABECUM

Biblioth. Sereniss. Magni Ducis,

*Cui inscribitur posthumum Accolti
Opusculum.*

EPIGRAMMA.

Hic Liber, ANTONI, qui te auspice prodit
 Nil sibi, quàm laudes poscit habere tuas.
 Sed facile haud vni est laudes apponere Libro
 Solæ etenim totus vel liber esse valent.
 Eloquium Latio, Tusque nitore politum,
 Quodq. intenta sibi vendicat ora virum.
 Parnasi Lauros redolens, & Pallade plenum
 Omnigena ingenium, sed tamen usq. rapax;
 Quod tota exhaurit veterum monumenta sopho-
 ducta; per fastos sæcula longa suos. [rum,
 Et mens virtutum studiosa; & amator honesti
 Sinceræq. animus cultor Amicitæ; (ergo
 Sunt decora ANTONI, ac dotes. ANTONIVS
 Immensa penè est amplior Iliade.

P. A. App.

All'


11
All' Illustrissimo, e Dottissimo Signore

ANTONIO MAGLIABECHII:

Alla cui Segnalata Virtù, da ogni parte del Mondo letterato, si dedicano libri, in prosa, e in versi: l'vnil' Musa di P. A. App. consagra il presente

SONETTO.

DE' Laureti di Pindo entro il più fosco
Vidi Pallade, Apollo, e il Sacro Coro.
Qui vorranno, dis's'io, ferto d'Alloro [co.
Tessere al saggio ANTONIO al mio grà Tos
Mà 'l contrario segno io; con ciglio losco
Guardaua quelle Piante ognun di loro;
Perche inciso ne' rronchi, o scritto in oro
Dicea suo nome ogni Albero del Bosco.
Esclamò Febo allor: l'Emolo mora.
A Lui s'offre ogni Lauro, ogni Volume;
E nostra Deità più non s'onora.
Nò, Palla ripigliò: s'oltre il costume
Viuo, Eroe del sapere ogni Vom l'adora:
Per tal morto il terebbe anche ogni Num.



Al nome immortale
Dell' Illustrissimo Signor
ANTONIO
MAGLIABECHI

Bibliothecario di S. A. S.

*Si dedica vn Libro di Benedetto Accolti;
 giacinto lungamente sepolto frà le
 tenebre dell' obliuione.*

SONETTO.

L' Accolti, onor del Secolo, che visse:
 Vdì sacrarsi in riuerente omaggio
 Al nostro ANTONIO, di sua mente vn Sag-
 Oppresso già dà tenebrofa ecclisse: (gio.
 E al Libro suo dà Campi Elisij scrisse:
 Vanne felice al MAGLIABECHI il Saggio.
 S'auuién, ch'Ei vibri a te degli occhi vn rag-
 Chi fia mai, che le luci in te non fisse? [gio.
 Salutalo a mio nome, e digli ancora,
 Ch' inuidio la tua sorte; anzi l'Eliso
 Io lascerei per sol goderlo vn' ora.
 Quì d'infiniti Eroi vagheggio il viso;
 Mà più ch' il far con tutti lor dimora,
 Mi renderia beato Ei sol diuiso.

Di P. A. App.

13

De Ill.^{mo} Clarissimo, Sapientissimo V.D.

D. ANTONIO
MAGLIABECHIO
COSMI III.

Magni Ducis Etruriæ
Bibliothecario

Ad Cl. V. vita functum D. Benedictum
Accoltum Pallas.

Protrepticon Francisci Berretarij

HÆc secura Accoltus litteraria Pegmata
[Iustriſ
Pauca quaterdenis traxit ad Elyſium.
Quæ Fati feritas ! Dum vix intexta negabat
Forte Mineruigenis subdere Iudicibus,
Vel cito luſſet vitæ Libitina labores,
Abnuit aſſidua nocte videre diem.
Aſt inuita foret cum paſſa ſilentia Pallas,
Compellet tandem Martis ab Amne Virumſ
Dignus adhuc memoriâ de tue, qui nomine ſeſus
Nempe reformidas hinc reuocate gradus;
Ne vigil offeſſas, tu lumen habebis AMICI
Monſtrantis dubias ire, redire vias.
Hoc te, qui melius per lumina aperta, per auras
Deducat Lethis Margine, nullus erit.
Nullus, qui preſtò, prodatq. ad Numinis inſtar,
Quam meruere recens hæc tuas ſcripta fidem.
Sit,

Sit, fueritq. plaga Sapiens quacunque, vel inter
 Secla Latina gerēs, siue Pelasga morā; [Lauri
 Hoc tamen inferior: quem plusquā Anademata
 Maxima fronte decent Encyclopædiaden;
 Gratus enim de me perhibet, quæ solis ab ortu
 Rursus ad Occasum prouidus ipse docet;
 Nō tam Codicibus Magni Præfectus in Aula est,
 Quam viua ipse Magis Bibliotheca Sophis-
 Thernata quæq. parū, de quo præconia soluas
 Huius, vt Oraclis pagina nulla satis.
 Rhetores, Historici, tribuunt cui cuncta Poetæ.
 E cunctis Vnus MALIABECVS erit.
 Illius hæc dicens rediuiua sonantia terris,
 Istius assumi Nomen ad astra iubet.



75

SERENISSIMO MAGNO
ETRURIÆ DVCI
COSMO III
MNEMOSYNE

*Loquitur de Illustrissimo eius Bibliothecario
nulli secundo,*

ANTONIO
(VELANTINOO) MAGLIABECHIO.
PROSOPOOEIA.

O D E.

Ter Magne Princeps, cuius Etruria
Coeleste Regnum, Sceptra reciproca
Cœlo reformans; cuius ardens
ARBOR in Emphyreo perennat:
Materna Quercus scilicet aurea:
Te, cui Coronam Sidera circinant,
Astris Olympi foederata,
Lunigeris metuenda Regnis:
Te, cui paternam debet originem
Quæcunque Virtus Regia, Posteris
Regnanda Magis; Te redemptrix
Mnemosyne veneratur æui.
Munus Deorum non ego turpium:
Nec sum Deorum mater inanium.
Quas ritè iussit nuncupari
Gratia Superstitio Camœnas.

Quas

Mens sum paterni Numinis Arbitra :
 Æquæua Patri filia commemor :
 Virgo omnium fœcunda verum ,
 Innumeris opulenta curis .
 Sum , quæ perenni iure rotabilis
 Diuersa Mundi facta recenseo :
 Cœlestibus transcribo Fastis ;
 Bibliotheca Polus Suprema .
 Pars maior altis insita Biblis ,
 Ornansq; biblos Nomine perpeti ,
 Est , mille regnatura seclis ,
 ROBOREA , & MEDICÆA Proles.
 Ibi & BEATRIX , & VIOLANS Nurus .
 Fulget beato vere feracior :
 Quam propter Orbis mox Latino
 Nomina Scipiadam peribunt .
 Scio , quot Æther in VIOLA notat
 Flores beandos Sanguine Regio :
 Quot Noricus FLOS procreabit
 MEDICEI Generis Nepotes .
 Regina sum , quæ mentibus impero :
 Et vltro solum pareo Numini ;
 Parere nam Summo Tonanti
 Imperij genus est Superni .
 Etruriam tunc visere prouolo ,
 Quando Lycei me iuuat inclitas
 Spectare Pugnas , ac inermes
 Quando iuuat numerare Palmas ;
 Factura tecum verba , superfluas
 Exosa formas , ore Laconico
 Nunc Ætheris Legata fabor ;
 Aure pia sapienter audi .

Me semper audit , quò fèror alloquens ,
 Sceptrata Pubes , Gloria , Lux , Decor :

Æternitas ancilla , virtus

Assecla me sequitur volentem ,

ANTONIVM inter millia milium

Aulæ virorum , COSME , tueberis ;

Dignabor ipsâ me Patronâ

Te , similesq; qui Monarchas ;

Sole vt renato prata fragrantia ,

Camposque vernos diripiunt apes :

Amœna sic vnus Librorum

Antinous populatur aura .

Auctu disertò copia florea

Crescit tenaci mentis in Atrio :

Mentem illi Athenarum capacem

Quippe dedi breuiore giro .

Sol Literarum Sole nitentior ,

Cui nulla nox est : cui nihil abditum ;

Quâ luce , quæue fama , Eoas ,

Occiduasq. plagas serenat .

Vir multiformis : Vir tamen vnicus ,

Et nuncupandus vir quasi centiceps ;

Centum , vel vltra , Nationum

Metropolis capitum sonora .

Albertus heros iam capiti dedit

Voces ahenò , plus sibi glorias ;

Hic mille linguas , mille pennas

Carminis ad numeros lacescit .

Sorticus almo non sine Spiritu

Portenta largè pectoris vberis ,

Mentisque , non Arno tumentì

Parcius eloquium profundit .

Quis non tonantes audijt impetus
 Thufci Periclis ? Tractus Atlanticus
 Plaufit cataclysmum fragoris,
 Empyreï ftupuerè Portus.
 Tantis redundans ipfe Leporibus,
 Tantisque noftris Dotibus auctior,
 Ceu Tantalus, vel qualis hydrops
 Quos bibit, vſque fitit Lepores.
 Mentès, rogabis, tergeminas habet ?
 Non, inquam: haberet Prodigij minus.
 Vates Giganti tres triformi,
 Tres animas Herulo dederunt.
 Se ſiquid extra diffluit, illico
 Totum reſorbens ecce recolligit;
 Contingit illi namque plena
 Fuſilis ingenii facultas.
 Cum multa promit, plura re congregat :
 Habet redundans, plus aliquid maris;
 Quod promit, ex pleno redundat :
 Quodque trahit, pudibundus arcet.
 Non tanta linguæ flumina diuitis
 Fulſere ad umbras Socratis entheas :
 Non tanta circum vel Canopi,
 Sive codri Prytanea circum.
 Montes Librorum montibus aggera :
 Portabit omnes mens Briareia :
 Quod ferre non centena poſſent
 Plauſtra, vehit generoſa ceruix.
 Suppone ſenis ORBIEVS integrum .
 Orbem: in tributum poſce volumina,
 Plus eſt Alumni mens libroſa,
 Quam tua BIBLIOTHECA creſcens.

Laudum tuarum est meta, vel Orbita,
 Vir, COSME, tantus, qui macrocosmus est,
 Subdens tibi Orbem literatum,
 Quando tibi caput ille subdit.
 Prolixa forsan verba redarguo:
 Pro me loquetur plura silentium;
 Mundi loquentur spontè Regina,
 Dum repeto tacitura Cœlos.

*Author, in Servitutem, & non in adula-
 tionem composuit,*

Ioannes Maria Poderetti Acad. Infæc-
 componebat in monte S. Sabini.



20
Ad Clarissimum, Summàque
eruditione Virum

Illustrissimum Dominum

ANTONIVM MALLIABECHIVM.

*ODE Dicolos Distrophos, vt VII. Horatij
Federici Nomij.*

L Audabunt alij, quod clara in mente reposita
Serues, quicquid non perituris
Commisere Sophi chartis: Te tempora, dicent,
Causas, euentusq. docere,
Ac si spectasses oculo subjecta fideli
Praelia, vel potius tibi gesta
Cuncta forent. Quantis vnquam ruit acta pro-
- Nauis Pontificum, qui tenuere (cellis
Fluctus, quis certa ostendit fera lictora Tiphys,
Sublatis erroribus, esse
Narrabunt notum viuae tibi Bibliothecae.
Tæ addent, Phœnicem ingeniorum
Principibus placuisse viris; Gallum atq. Britan-
Et qui Bethm, Danubiumque [num.
Potant, aduentasse, sacras dum Palladis artes
Quærun, & viso te abiisse,

Sper-

Sperneites urbem, & mediā qui diuidit, Arnum
 Cernere, quā non pulchrior astris
 Fert alia insignem cælato marmore frontem,
 Quæ nitet in plateis, domibusque.
 b. Nos has Naturæ studiique; Has numina dotes
 Mortali græcis posuisse
 Sæpe sinu fassi, non dignas carmine Phœbi,
 Pieridumq; labore putamus.
 Alba fides, priscis coluit quæ ætatibus vrbes;
 Integritas morum, scelere vlllo
 Non fædata, pax seruatum tempore in omni
 Foedus Amicitie, superantis
 Fata extrema, & falcem quæ vitat libitinæ;
 Hæc nobis, alijsque canenda,
 Vt discat nostras iteratis reddere voces
 Clausa cauernis plausibus echo;
 Vt Populi has geminent, fusus quos margine
 Extremo Oceanus Pater Orbis, [claudit
 Et nostri sileant mundi confinia nulla
 Nomen, quo ætas nostra superbit.
 Quod si nos tanto Deus haud dignatur honore,
 In te assurgent carmina sponte,
 Et frondens veniet Diræo Monte Corolla,
 Vt spretâ vireat caput, ergò
 Plus meritâ; Reliquas inter pudibunda Sorores
 Nam medio Moderatio gaudet &c.

2 Quia multi secuti sunt illud vulgatum Ana-
 gramma.

ANTONIVS MAGLIABECHIVS

Is vnus Bibliotheca magna. & aliud

Hic vates magnas nobilis.

Laudant à felicitate memorsa, & à magnitudine
 ingenij.

b. Auct.

b. Auctor censet, magis laudandum esse à candore morum, & probitate vite, & à fide erga amicos suos etiam defunctos. quare hæc Apponit Anagrammata.

ANTONIVS MAGLIABECHIVS Florētinus
Annis fluet Cuius, habeto gloria munus.

Carmen Iambicum Dimetrum.

DE te Deum dum sciscitor
Quid sit futurum? redditur
Oraculum è Cœlo mihi:
Habeto munus Gloria,
Annis fluet solus cinis.
Vivet tuæ sic gloria
Virtutis, & nomen tuum
Vitabit undas fluminis
Lethes, quid ergo defluit.
Cinis caducus, & caro.

Quamvis etiam ex multiplici lectione laudandum censeat, ut ostendat in sequenti novo de eodem Anagrammate.



13
ANTONIVS

MALLIABECHIVS

FLORENTINVS.

Cato helluo in libris; Famæ sonus
annuit .

EPIGRAMMA.

SI Cato librorum dictus fuit helluo , dici
Tu debes : Famæ hoc annuit ipse sonus.
Scriptor nullus erat, quæ non lectû ille teneret;
Scriptores cunctos tu legis , & retines.
Sed quo major adest nunc Copia, gloria major;
Vix Cato tot posset connumerare libros.
Sufficiant hæc pro explicatione Mentis Aucto-
ris, cætera clariora sunt , quam vt verbis
indigeant, cum de probitate Domini Antonij,
de eius facundia, de beneuolentia erga Ami-
cos , de frequentia Alienigenarum ad eum
inuiscendum, de multitudine suorum Cuium,
qui in eius Musæo quotidie conveniunt , de
Commendatione sui nominis omnium lit-
terarum monumentis nunquam satis dici
possit .

*Ad Illuſtriſſimum Virum
Philomūſium*

ANTONIVM MAGLIABECHIVM

TO D E

Triclos Tetraſtrophos.

Jo: Baptiſtæ Takecchi.

Quem nunc Virorum Carmine leſbico
O Muſa digniſtollere laudibus
Paramus, & ornare? Virtus
Aurea quem ſuperis coæquat.

Permeſidos quĩs dignus honoribus.
ANTONIO eſt plus **MAGLIABÆCHIO**
Qui dicitur natus cerebro
Ex Iouis, & ſimilis Mineræ.

Is tot librorum, ſydera quot tenet
Coelum, reuoluit mole animi grauiſ
Volumina, & Coſmi Superba
Bibliotheca nitet decora.



Virtu-

Virtute cuius ; factus, & Arbiter,
 Et Meta confert lumina paginis
 Doctis Amicorum, & papyrus
 Visa suis oculis tumescit.

Multi Virent Docti, sibi sed tenent
 Fructus repositos, nec sapiunt alijs,
 Ast hic Viro largè iuuando
 Dat sua corde lubens egeno.

Florentiam plures adeunt magis
 Spectent ut altas Dedalea manu
 Cælas nitere ades lapillis,
 Qui variant, decorantque Tempia :

Quid si haud vident illum laquearibus
 Lucere plus multo omnibus aureis
 Sculptis Pyropo ? nil profectò,
 Namque summi Caput instar Urbis,

Canam fidem qui temporibus nouis
 Non esse dicit Verba premat modò,
 Moresque sanos non manere ;
 Nestoris est Italis Alumnus.



Salutatio ad Bibliothecam

Illustrissimi Domini

A N T O N I I

MAGLIABEQVII

Magni Ducis Etruriæ
Bibliothecarij.

P (linis Aula
 Alladis, ac Sophiæ, Musarum, & Apol-
 ladi. Ast hanc, Dominus Te facit esse tuus.
 [Musis
 Pallade, ANTONIVS, Sophiæq. & Apolline,
 Maior, maiorem, hæc Bibliotecha colit.

Humil. & addictiss. Servus
 D. Ioseph Barberius.



Ad eruditissimum Virum

ANTONIVM

MALIABECHVM

Magni Hetruriæ Ducis Bibliothecarium Illustrissimum

EPIGRAMMA.

D. Antonij Francisci de Cillis.

SI genus omne libri, virtutis lumine pleno,
ANTONII vastum continet ingenium,
Sic. modis miris, & docta mente, Mineræ
In varias linguas, vertitur hic Protheus.
Tantum nosse Virum satis est virtutis amanti;
Integra nam caput est bibliotheca tuum.

Aliud ad Eundem.

QUOD prodit Mundo, duplici virtutis ho-
[nore]
Prodit, & æterno nomine viuet Opus.
Perpetuum faciet Scriptoris gloria, fama
Immortale, cui vœta papyrus erit.
Nam si connumerem dotum ornamenta; decorâ
Virtutum Seriem, Maximus irradias.

Integritas morum , rerum prudentia , mentis
 Candor , cordis amor , pectoris alma fides ;
 Relligio , pietas , animi moderatio , rectum
 Nomen apud omnes , sunt tibi grande decus ;
 Hinc te concelebrat Sapientum turba Virorum
 Et calamo , & linguis concita amore tui.
 Quæ laudes veræ censentur præmia laudis ;
 Quippe hæc à doctis prouenit orta Viris.
 Ergo si tantum spectaris in orbe , Libellus
 Non dat splendores , accipit ille tuos ,



29

Illustrissimo ac Eruditissimo Viri
De omni Republica litteraria
optimè meritò.

ANTONIO
MALLIABECHIO

Serenissimi Magni Ducis
Bibliothecario.

*Ostanius Miccionius famulorum eius
minimus S. P. D.*

TAm frequenter de tua dicit huma-
nitate Federicus Nomius Auuncu-
lus meus, tantis laudibus extollit eam,
quæ in te viget omnium litterarum
cognitionem, ut cum proditurum sit
Opusculum Benedicti Accolti Areti-
ni tuo nomini nuncupandum, ego ru-
dis in musarum palestra elaborare
studuerim adiunctum Epigramma, quo
de tuis meritis aliquid indicarem,
meamq; tibi servitutem auspicarers;
Tù utrumq; accipias rogo; Etsi e-
nim famulus in præsentia rerum vi-
uam inutilis, fortasse assequar sudo-
ribus,

30
ribus , vt non indignus aliquando
tua fiam clientelà. Et tibi optata
quæque à D. O. M. precor . Da-
tum Monterchij s. Idus Octobris
1689.



31
Pro editione Opusculi

BENEDICTI

ACCOLTI ARETINI,

Reperti ab Illustrissimo

ANTONIO

MALLIABECHIO

Bibliothecario Ser. mi Magni Ducis,

EPIGRAMMA.

O Brutus immerito squallebat pulvere, ce-
scribendus, Populi dignus & ore Liber,
(iacentem

His videt ANTONI vnus amor, subitoque

Erigit, vt vitam donet habere nouam:

Subducta lethes Benedictus flumine gaudet

Parte sui, Elysias integer ire domos.

Quid faciet viuis pia dextera, quando sepultos

Excitat, ac prohibet post fera fata mori?



VITA

V I T A

BENEDICTI

A C C O L T I

*I. C. & Historiographi
celeberrimi.*

BENEDICTVS ACCOLTVS natus est anno Christianæ salutis 1415. Parentes habuit Michaellem, in Aduocationis munere, & in Ordinaria Iuris Ciuilis interpretatione Florentiæ Clarissimum, & Margheritam Rozzelliam Aretinam, Roselli I. C. filiam lectissimam feminam. Humanioribus literis optimè imbutus Iurisprudentiæ se totum addixit, cuius culturæ eam Florentiæ primùm, postmodum Bononiæ nauauit operam, vt Doctoratus laurea non solum quamcitissime potiretur, sed etiam in publica docendi, & consulendi.


fulendi prouincia, vel in ipsa Italia
 non infimum sibi locum vindicavit
 Summum eius Ingenij acumen, haud
 quidem impar subtilitati Francisci
 Fratris, cognomento Aretini, viri to-
 to Orbe celeberrimi, eius maximè Iu-
 ris responsis emicuit, quorum nonnul-
 la vnà cum multis Soccini impressis,
 alia cum collectis per Zilettum edita
 circumferuntur, plura verò manu scrip-
 ta seruant Leonardus, & Petrus fra-
 tres, Iuris Consulti in eiusdem Bene-
 dicti eorum gentilis de illis optimè me-
 riti, memoriam, in lucem aliquando
 edituri, ne singularis doctrinae lucu-
 brationes in tenebris perpetuo delites-
 cant. Nec politiorum literarum argu-
 menta Benedictum deseruisse testatur
 ex ijs, & clarum est, quòd in Academias
 Florentinas, eruditionem profitentes
 summo cum honore fuerit ascitus, quòd
 de præstantia Virorum sui æui Dialo-
 gum scitissime conscripserit, quòd Hi-
 storiam de Bello sacro breui quidem,
 sed clarissimo eloquio recitarit, quo-
 rum alteram Cosmo Patri Patriæ alte-
 ram Petro eius filio dono placuit obtu-
 lisse,

lisse, tantisq. Viris dicasse, vt suæ erga
 Mediceos, in excelsa Florentina Repu-
 blica procures, obseruatiæ signum præ-
 beret, quam vniuersa postea Accolto-
 rum familia in cunctos fælicissimæ hu-
 ius stirpis Principes Viros perpetuò re-
 tinuit. In eoq. scribendi genere is ita
 Salustium, Cæsarem, Curtium, supre-
 ma historiæ latinæ lumina, est imita-
 tus, vt cum eis conferri iure posse mul-
 torum consensu videatur. His igitur
 dotibus, atq. virtutibus ornato facilè
 admodum fuit, supremum à Secretis
 munus apud Florentissimam Rempu-
 blicam assequi, quod per septennium
 morte terminauit, cuius sibi iniunctæ
 prouintiæ, & virtutis testimonium ex-
 tat luculentissimum, quatuor tum ex-
 positorum negotiorum, tum epistola-
 rum libri ad externos Principes, & Res-
 publicas, qui, elegantissimè ab eo con-
 scripti, Florentiæ in publico Archiuio
 seruantur. Non ei in Aretina patria
 defuit Princeps Nobilium gradus, non
 etiam lecta nobilitas penes Florenti-
 nos, non decor à liberis ex Laura Fe-
 derigia, Caroli Iuris Consulti, & Patri-
 tij

tij Florentini filia susceptis, non à Ne-
 potibus; Petrus siquidem Iurisperito-
 rum sui temporis fama, & repressantif-
 simus, in Sacra Rota Romana viginti
 quinq; annis Auditoratus mūere fūctus,
 vt præmium virtuti daretur, in Purpu-
 ratorum Patrum Collegium à Julio II.
 octauo eius Pontificatus anno coopta-
 tus est; filius alter, Bernardus cogno-
 mento Vnicus, omni litterarum, atq;
 nobilissimarum Artium peritiā insignis
 inter celebres illos ea tempestate Vrbi-
 nates Academicos ascitus à Leone X.
 anno M. D. XX. Nepefis Dominatu do-
 natus est; Benedictus ex Michaelis filio
 nepos Clementi VII. fuit à Secretis,
 eiusdemq. Pontificis munere, inter pri-
 mos ad Cardiaalatus Apicem ab eo
 promotus est; Franciscus deniq; su-
 pradiçti Michaelis filius, eodem mune-
 re Anconitanæ Ecclesiæ præfuit Anti-
 stes. Obijt BENEDICTVS Florentiæ
 anno M. CD. LXVI. ætatis suæ ~~VI~~. Pe- / LI
 rennis tamen seruatur fama illius vir-
 tutis; permulti etiam, ijq; grauissimi
 Scriptores, per honorificam de eo men-
 tionem fecere. Hieronymus Gigas in
 epi-

Epistola ad Tractatum de Pensionibus,
 Ludouicus Romanus, Mariānus, &
 Bartolomeus Soccini frequenter in suis
 Consilijs, Ioannes Tritemius in Histo-
 ria de Scriptoribus Ecclesiasticis, Sil-
 uester Aldobrandinus Clementis VIII.
 Pater in additionibus ad Decium de
 Officio delegati, Marsilius Ficinus in
 suo primo Epistolarum libro, Podius
 in Opusculis, atq; alij, qui singularem
 prorsusq. incomparabilem tanti viri
 virtutem, & pleno ore commendare, &
 posteros, huius exemplo, summam
 trahere in admirationem consuevere.





BENEDICTI
ARRETINI
PRÆFATIO
AD CLARISS. VIRUM
COSMAM MEDICEM.

BIBLIOTECA NAZIONALE
ROMA
VITTORIO EMANUELE

LEGENTI mihi sæpius
eorum libros, qui ornatè,
copiosèque Antiquorum res
gestas, vitam ac mores de-
scripserunt; felices multùm illi fuisse visi
sunt, quibus contigit ab his referri virtu-
tes suas qui eas tradentes literis, magnam
& immortalem eis gloriam pepererunt; quàm
consecuti sunt, ut nedum perennem in Cœ-
lis vitam, sed in terris etiam, post corporis
mortem, habuerint. Quo quid beatius,
quid à cunctis optandum magis reperiri
potest? Etenim cunctis est idem vitæ exi-
tus, eadem naturæ vivendi norma, eadem
ferè carnis infirmitas, idem corporis &
animorum sensus: quod si in hoc aquali
ab initio omnium cursu quidam ita ege-

runt ut sapientiâ & doctrinâ, vel virtutibus reliquis, ceteris præstantiores haberentur, & inter hominum commune vulgus eminerent; merito eos claros ac felices esse, sapientes tradiderunt, qui circa laudabiles versati res, magnam apud gentes laudem consecuti sunt. Sed longè felicius cum illis actum censeo, quorum nomen & gloria non cum ipsâ vitâ interiere sed eternâ famâ ea posteritati literæ consecrarunt, quam cum his, qui licet fuerint præstantissimi, tamen digno virtutum suarum præconio caruerunt, quorum memoria penè obscura est, & apud gentes oblitterata. Ex quo quidem accidisse intelligo, prædicari apud omnes consueſſe, vetustiora secula magis abundasse præstantibus viris, quàm ætatem nostram vel superiores proximas, quoniam veterum gesta & mores innumeris rerum scriptores celebrarunt, ea verò quæ longè postea gesta sunt, magnâ ex parte penè interierunt ob scriptorū inopiam. Pauci enim reperti sunt, qui in eo scribendi genere laborare voluerint, eo saltem eloquio quod ab eruditis viris velut ornatum & excellens probaretur. Nam quæ ab indoctis tradita sunt, velut minus digna, parùm virium adsum-

PRÆFATIO.

3

mos illustrandos viros habuere. Quæ cùm ego aliquandò versarem animo, doleremque, idcirco à multis postremas ætates velut inutiles & malas argui, veteres verò summis laudibus ferri: parumper otium ractus libellum edidi, qui non solùm ævi nostri, sed prioris etiam mediocrem defensionem contineret. Quem ego tuo Clarissimo nomini dedicavi, non quo te dignum opus sit, sed quò clariùs amor in te meus innotescat; & Liber ipse, sub tuo tutior nomine ac judicio, majorem auctoritatem consequatur; præsertim apud illos qui magis odio vel invidiâ, quàm recto proposito illi detrabere niterentur. Eâ enim sapientia, eâ doctrinâ, eâ ingenii vi te præditum omnes intelligunt; ut te non sicut humanum hominem, sed tanquam divinum & ex Cælo lapsum admirentur, & tantum tuo judicio tribuant, ut nullo modo illud falli posse arbitrentur; nec immerito. Dedisti enim apud Italos omnes virtutis tue documenta permaxima, quorum fama per universum penè Orbem diffusa est. Et ne quid tibi, aut tue fortune deesset, Filios præstantissimos & tui simillimos patriæ genuisti, qui tuis inherendo vestigiis, generis nomen & gloriam

conservabunt , atque hanc Rempublicam
unicè semper diligent & tuebuntur. Nec
vereor abs te presumptionis argui , quasi
rem aggressus , quam non omninò ample,
nec ornatè satis explicare potuerim , in
hoc scribendi genere minimè versatus.
Quanquam pro tuâ sapientiâ opinâbere,
me , non ut magistrum , sed ut non igna-
rum discipulum , quid in hac re possem,
experiri voluisse. Quod si tuo iudicio non
ineptum me esse censero ; audaciùs post hac
disciplinis & literis incumbam , tuo nomi-
ne atque auxilio imprimis fretus.





B E N E D I C T I

A R R E T I N I
D I A L O G U S.

U P E R cùm apud Amicum quen-
dam plures convivio Cives, & ipse
simul comiter recepti essemus, ac
post epulas quædam (ut solet) joci
gratiâ inter nos facetè dicerentur : tandem in
eum sermonem incidimus, ut quærerent qui-
dam : *Veteres ne illi, quorum adedò celebre nomen
est, virtute seu peritiâ illarum artium qua ad libe-
ros pertinent homines, his, qui nostrâ ætate vel etiam
longè priùs fuerunt, Viris præstitissent. Cùmque
ego nonnulla protulissem, quibus docebam : ve-
tustis seculis eiusmodi rerum non omninò palmam
concedi oportere ; commotus meis verbis adoles-
cens quidam, qui nobiscum aderat, literarum
eruditus, me compellans : Ego, inquit, existimo,
te hujusce temporis benivolentiâ victum, simul
etiam nè illi succensere videreris, non eam, quam
animo concipis, sententiam exprimere voluisse.
Sed cùm juxta Philosophi scitum ; veritas, quàm
amici, magis in honore sit habenda, ego illi ob-
sequens, his qui adsunt facilè ostendam (si mo-
do æquas præbeant aures) te blandiri potius
quàm vera proferre studuisse. Neque enim no-*

scius es, peritos ferè omnes, qui Antiquorum res gestas, & Philosophorum, & aliarum artium doctissimorum libros perlegerunt, in hanc sententiam convenire, atque ita quosdam etiam literis tradidisse, ut existiment: *Veteres illos maiores nostros disciplinâ rei militaris, & prudentiâ in rebus publicis privatisque & ingenio & doctrinâ liberalium artium, atque etiam moribus & integritate vita, huiusce & proximarum ætatum hominibus longè fuisse superiores.* De illis autem loquor, qui vel apud Græcos & Macedones quondam, vel apud Pænos, Romanosque vigente Republicâ vel parùm postea sub Romanis Principibus floruerunt. Si enim (ut à Bellicis incipiam) percensere velis quot & quàm excellentes rei militaris Duces temporibus illis extiterunt, qualésque & quàm amplissimas res gesserunt; simul etiam militum mores, temperantiam, fortitudinem, laborum tolerantiam, tenuitatem victus, Imperatoris observantiam, expeditionis ordinem, castrorum disciplinam: facillè, ut opinor, nostris illos aut superiorum ætatum viris antepones. Nec minus in regendâ domi Republicâ; & privatis moribus, & sanctimonia vitæ, temporibus illis multi clari viri evasere; seu Gentiles prius, seu etiam Christianos postea enumerare velis, quorum maximus fuit numerus in omni virtutum & probitatis genere. Ut enim de reliquis taceam; quàm multos ex illis Atheniensis civitas tulit, plurimos Lacedæmon, Thebæ, atque etiam Achæi: multo plures Romana vrbs, quàm nulla in omni virtutum gradu clarorum virorum feracior fuit. De civibus nunc usquè loquor. Enim verè si Principes egregios, aut earum ætatum Reges optimos

consideremus, siue etiam Tyrannos, qui per universum fuerunt Orbem, tam multos fuisse ac tales reperiens incredibili virtute ac penè divinâ, ut pudendum nimis sit, tam magno excessu nos ab illis esse superatos. Quem enim nostrorum, vel qui à sexcentis annis citra fuerunt, Regum aut Principum alteri ex illis vel minimo comparabis? seu bellicas laudes, seu mores vitamque domesticam, seu literarum peritiâ, seu prudentiâ, justitiâque modum, siue etiam continentia, clementiâque gloriam contemplere. Quid de veteribus Philosophis, Oratoribus, Iureconsultis, Poëtis, & Mathematicis dicam? quorum tanta fuit copia, ut vix à quoquam enumerari possint: tam admirabilis doctrina, ut nullo modo superari posse videantur; nec quisquam postea repertus est, qui tales viros etiam longo intervallo valeret imitari. Theologos verò ac sanctos Christianæ Religionis adeò multos prima tempora tulerunt ab ipsis fidei cunabulis, ut totum Orbem impleverint nominis sui gloriâ, ut & ab ipsis stabilita ac tandem firmata Christiana Religio verissimè prædicetur. Quantum enim in nobis est & Religiosis istis, quos nostra tulit ætas, & quos quotidie videmus aut nominari audimus, nisi benignitas Dei & misericordia restitisset, jam pridem lacerata penitus fuisset ac submersa. Et ut à secularibus exordiar (ne quis fortè criminandi Clericos me cupidum existimet, si primum de illis recenserem:) Nonnè vides Populos ferè universos jam dudum avaritiæ, luxui, atque inertia, malisque omnibus ita deditos atque additos, ut spreto liberalibus artibus & pro nihilo ductis, atque ipso Redemptore Domino Deo no-

stro & præceptis ejus posthabitis; solum terrenis desiderijs inhiantes, nihil aliud quærant vel investigent, nisi quemadmodum libidines ac voluptates expleant suas, & divitias cumulent, quarum habendi gratiâ nullum scelus, nullam injuriam, nullum deniquè fraudis aut rapinæ genus prætermittunt; & quod deterius est, dum talibus incumbunt pertinaciter quidem & obstinato animo, tamen ex illis quidam ità Divinis vacant officiis, ita frequenter peccata confitentur, ut mirum sit, quomodò illos divinitas tamdiu ferat, qui illam & sanctissimos ritus suos tam turpiter irrident, pœnis nimirum omnibus digni; qui, ut securiùs fallant, bonorum personas & mores profitentur, omni vitio coinquinati; & sicut Redemptor dicit: labiis illum honorant, cor autem ab eo longè remotum est. Operæ pretium est, intueri plurimos, qui passim ubiquè, præsertim in hominum cœtu, de conscientia, de vitandis malis, de beatâ vitâ, de Divino cultu ità frequenter disputant, ut nihil à Sanctissimis vitis differre videantur. Si quis autem illorum vitam subtiliùs inspexerit, diligentius considerarit; repetiet eos probris omnibus contaminatos, nil aliud quærere, nisi quemadmodum, deceptis populis, potentes ac locupletes fiant, alienæ fortunæ invidi & insidiatores, superbiâ tumidi; & imprimis hoc malum, hæc pestis Respublicas invasit. Qui enim in civitatibus honores & Magistratus cupiunt assequi (& illos præcipuè, quibus opes possunt comparari) antè omnia se fingunt Divinitatis cultores; Sacra jejunia, orationes, Missarum solemnia frequentant; justitiam in ore semper habent; alienas injurias, malos in

Reipublicâ mores verbis acerbissimè detestantur; at cùm optatum sunt gradum assecuti, priora, quæ fingeant, valere sinentes, tunc demùm quales sint se ostendunt; avaritiâ, scilicet, crudelitate, superbiâ, immanes; ad flagitia & proditio- nes promptos ac paratos. Qui verò non hac incedunt viâ, tamen sua Reipublicæ commodis præponunt, & nihil faciunt aut consulunt, nisi quod sibi ipsis videatur conducere. Res autem publica deseritur. Quotus enim quisque est, aut jamdiu fuit, qui vitam suam, liberos, fortunas omnes pro Patriæ commodis paratus fuerit abjicere? seu qui gravitate morum, egregiâ prudentiâ, optimis consiliis, magnâ eloquentiâ civium animos consueverit regere, & ad rectum iter flectere? Quin potius omnibus in locis pessimus hic cunctis inolevit mos; frontes lætas ostendere, omnia polliceri, fidem omnibus promittere; factis verò contraria agere; malis artibus quæ- que allicere; suæ potentiae studere; seditiones & procellas civiles concitare; modò hatum, modò illarum partium esse; non ad voluntatem suam, sed aliorum loqui; verba, consilia hominum captare, atque illa aliis clam referre; indignos quosque ad dignitates provehere, dignis verò & bonis insidiari, invidere. Undè, non optimus quisque ad Magistratus & officia, sed impudentissimus nequissimusque deligitur. Has tu Respublicas antiquis illis cõparabis? Ubî nam sunt Catones, Lælii, Scipiones, Fabii, Claudii, Fabritii, Aristides, Solones, Lycurgi, & horum similes infiniti? qui jamdiu suas Provincias, suas Civitates illustrarunt? Tales, ut retuli, sunt hodiè hominum artes, quibus se beatos fore per-

suadent, & cò ampliùs, quò sua uberiùs desideria consequuntur: Istis, qui aut Philosophiæ, aut cæteris bonis artibus vacant, illudentes; eos planè beatos arbitrantur, qui fortunæ muneribus abundant, reliquos verò, vanos & insipidos qui literis incumbunt, sapientiâ divites, pecuniâ egeni. Quo circa evenisse vidimus, ut perpauca sint qui bonarum artium doctrinâ delectentur, præterquàm Juris Civilis, aut Canonum, non amore quidem scientiæ, sed quia hujusmodi facultatibus, quibus omnia reguntur, omnes indigent; & ideo ex illis faciliùs pecunia & honores cumulantur. Quas enim tu hodiè Philosophorum, aut Rhetorum, aut Poëtarum, sicut olim scholas vides? aut quos nobilissimos Mathematicos vidisti? & si hæc nunc rara sunt (quo tempore parumper literarum studia surrexerunt;) superioribus certè propinquis seculis vel nulla fuerunt vel rarissima. Tunc enim nulli penitus Poetæ, nulli Oratores, pauci Philosophi reperti sunt, & illi ipsi nedùm antiquorum ingenia vincere, sed ne ad illa propius accedere voluerunt, sicut ex eorum libris licet discernere. De novissimis eadem etiam possumus dicere, quorum doctrina seu eloquentia nequaquàm veterrimis sunt comparandæ. Nec certè se meliùs nunc disciplina militaris habet; nulla in Ducibus bellorum peritia, nulla in militibus modestia, fortitudo, aut continentia; nulla Ducum reverentia reperitur; in hostes sunt timidi, in amicos feroces; contumeliosi, immanes, & mercede conducti; nil aliud quærunt, nisi quemadmodum auro plurimo abundant, & miseros decipiant Populos, seu Principes: neque enim illis curæ est, bella

finire, sed immortalia prorsus facere; undè rarò ab eis aliquid egregium perpetratur facinus; & nedùm vrbes, sed nec etiam exigua oppida, seu parva castella, nisi vix atque anxie perrarò expugnantur. Nullus in eorum castris ordo, nulla prorsus viget disciplina, non castris idoneum locum capiunt, non illa vallo & aggeribus & ligneis turribus circumdant; non custodiæ, non vigiliarum, non cibi, non quietis modus adhibetur, quisque sibi Dux est & Magister; & dum in prælio sunt, ità se acies atque ordines confuadunt, ut nullum aut exiguum Ducis officium esse possit, & omnia temeritati fortunæ committantur. Armis autem ità onerantur Equites, ut vix integram horam in ipso pugnæ discrimine queant sufferre, fracti armorum pondere, ac debilitati: & si quando accidit, ut ex equis descendendum sit, nullius sunt aut usus aut roboris, sed velut stupidi & enervati facillimè capiuntur. Mirari etiam soleo, cum lego, antiquos magnos exercitus invias penè alpes transisse, lōginquas Provincias peragrasse, inopiâ rerum circumventos tamen se sustentasse, difficultates, labores omnes supra humanam fidem tolerasse, exercitus plurimos fuisse, vrbes multas, castella innumerabilia cepisse: quânam facie, quo jure hi nostri Duces aut milites se illis anteponunt? viribusne corporis? At illæ ex bonâ corporis habitudine, ex continentia & exercitatione assiduâ solent perfici & augeri. Sed, si gravissimis auctoribus credimus, robustiora tunc corpora, quàm nunc tellus producebat. Majora certè de illis fortitudinis facinora, quàm de nostris prædicantur, atque etiam crebriora. Illi item semper in armis, in laboribus variis, con-

tinuò corpus exercebant , nunquàm otiosi: Nostri
verò maxima temporis parte in delitiis & convi-
viis , inter scorta & libidines ebrietatésque ver-
santur: nullo imperio , nullâ disciplinâ coërciti.
An astu , seu doliis ? Sed pleni sunt historiarum
libri , quibus liquet , maximos Duces magnis
consiliis , profundo astu , nihil temerè , sed gravi-
ter omnia gessisse ; magisque apud illos laudari
solitos , qui industriè prudentêrque se habuerunt ,
licet à fortunâ destituti ; quàm qui nullo consilio
nullis artibus hostes superarunt. An tenuitate
victus , vel animi magnitudine ? At illis cibus non
nisi durus & austerus erat ; delicatas epulas om-
ninò nesciebant : magnitudine animi ita præditi ,
ut nullum laborem , nullum penitus periculum
recusarent , cùm victos mors maneret , aut miser-
rima servitùs. Sed isti , cùm possunt , lauta obso-
nia , pretiosa vina diligentissimè inquirunt ; &
nulla aliâ re , nisi timiditate insignes , ita se armis
regunt , ut nullum in acie , nisi lassitudinis peri-
culum subeant : ex hoc præcipuè inutiles. Unde
accidit , quod in magnis præliis , in multorum
numero , vix decem ferro pereant : gravia etiam , si
quando imminet , pericula , ignavissimè fugiunt ,
nè in hoc quoque parentes Ducibus. An celerita-
te res conficiendi ? Sed illis præcipua cura solli-
citudinis erat & citius Provincias peragrabant ,
nationes subigebant , vrbes expugnabant , quàm
isti se ad iter cum suis impedimentis præpara-
rent : quos si in expeditione paulùm cibi inopia
prefferit , incepta deserunt , nec mercenarii Du-
ces seu milites sub imperio possunt contineri , &
decem millibus hominum vix sufficiens victus
potest inveniri. Postremò illud libet etiam refer-

re quod veteres Duces, Militesque inter ipsa bella, Sacra, cærimonias, ritus omnes erga suos Deos observabant; eorum templa atque aras præcipuè venerabantur; & ab illis, antè omnia, felicitatem in præliis precabantur; nil virtutem suam profecturam arbitrantur, nisi Deos propitios habuissent. Contra verò quicquid blasphemix ac sceleris in Deum, aut illius Ministros dici, fieri, vel excogitari potest, dicunt & faciunt nostræ ætatis Militares Viri: nec occulta refero sed omnibus nota & manifesta. Quocircà magnoperè Dei patientiam admiror, quòd non illos jamdiù hiatu terræ absorbuerit, ut ab eorum injuriâ liber fieret terrarum Orbis. At enim hujuscemodi hominum scelera hi, quos Clericos aut Religiosos appellamus, sanctimoniâ, exemplis & increpatione sublevant; & eorum vita atque orationes apud ipsum intercedunt Deum, ut tantorum malorum obliviscatur, & supremâ suâ pietate, vitia nostra cum eorum virtutibus compenset, & nobis juxta demerita, pœnas meritis non infligat. Imò verò ità turpiter vivunt, ita se scelerum maculis inquinant, ut si quis mores ac vitam illorum indagarit, reperiet nos in omni vitiorum genere longissimè ab illis esse superatos; ut magis timendum sit, ne ipsorum luxuries, velut magis abominabilis, nobis, qui illam toleramus ac fovemus, causa sit malorum omnium. Quis enim existimabit eorum preces, quas in Templis fundunt, prodesse hominibus, quæ eosdem non juvant: quoniam in Literis refertur Sacris, quòd non penitentes peccatores non exaudit Deus? Absonum enim & rationi contrarium est, pro suis aliquem & alienis delictis deprecari animo depravato &

ad ipsa flagitia semper prono. Tali quidem orationi corda discrepant, quorum intentio Deum ipsum non latet. Quo fit, ut hi, quos nobis velut Magistros & Custodes dedit Omnipotens, ut quorum precibus & meritis peccatis hominum ignosceret; malis exemplis & contrariâ, quâ ducunt viâ nos una secum in præcipitium trahant. Populi namquæ qui literarum non vacant studiis, dum frequentes scelerum labe in Pastoribus ipsis conspiciunt, eò erroris adducuntur, ut vehementer dubitent, an vera sint, quæ Divinis præceptis & eruditionibus illis sunt tradita; quoniam existimant, si præceptores ipsi, quæ prædicant, vera esse crederent, nequaquam tam abominabiles ritus sequerentur, nec cum ipsorum vitâ pugnaret oratio. Intrueri licet Cardinales, Episcopos, curiam deniquæ totam, quibus maxime vacent officiis. Nonnè liquet universis, quòd illorum vel præcipua cura est, avaritiæ, crudelitati, gulæ, luxuriæ inhærere: Ecclesias, Beneficia omnia, indulgentias, justitiam ipsam, venalia habere: miseros Christianos fallere; litibus infinitis implicare; discordias & scandala inter homines ferere: cum omni pompâ, servis plurimis stipatos incedere; nihil deniquæ aliud quærere, nisi quemadmodum cuncti eos timeant, ac ut Deos venerentur. At si saltem inter tot mala vel disciplinis ipsi incumberent, vel earum peritos item viros optimos diligerent, essent quippe minore odio digni, ut potè qui se non omninò virtutis inimicos profiterentur. Cum verò ipsi bonos omnes & Literatos oderint & ludibrio habeant, quis posset tales homines ferre? quis non debet eorum ritus, mores & superbiam de-

testari ? Novi ego plures nostra ætate viros doctissimos, qui cum omni conatu, præter quàm pecuniis, niterentur; nullum aut exiguum in curiâ locum invenerunt. Contra verò si qui fuerunt, vel sunt, adulatores, mimi, lenones, aut scelerum ministri, vel pecunias offerentes, hos cupidissimè receperunt; illis beneficia, illis honores, illis officia concedunt. Quo fit, ut etiam qui à naturâ bonâ sunt indole, acerrimo ingenio; intelligentes nihil aut parum in virtute opus esse, se se tempori accomodant, & quàm unicam ad consequenda præmia viam cernunt, illam capiunt. Undè accidit, sapiùs optima ingenia corrumpi, & in præceptis ferri; cernunt enim qui in virtutibus confidunt, alios ad honores provehi, se verò pro nihilo haberi aut duci, atque illud à bono poëta verissimè dici; magnos, scilicet, & locupletes didicisse jam tantùm admirari, tantùm laudare disertos. Atqui morbus iste non solum apud ipsos cleri Principes, verùm etiam apud omnes ferè Religiosos increbuit. Dies certè me deficeret, si pergam sigillatim Sacerdotum, Fratrum, aut Monachorum, adulteria, stupra, lenocinia; avaritiam, proditones, discordias, improbitatesque referre. Illud verò in summâ dixisse velim, quòd omnibus ferè manifestum est; longo jam tempore, magna omnia flagitia aut per illos, aut cum illis esse perpetrata. Quò magis stomachari soleo, audiens quosdam in suggestis, non spiritu ductos, sed inani gloriâ ea frequentissimè carpere, quorum ipsi principes & artifices reperiuntur; nec fermè aliud inquitunt, quàm, ut devotos plurimos habeant, quorum marsupiiis & substantiâ fruuntur, & cum quibus aliquando

voluptates expleant suas. Vidimus nuper quendam Minorum Ordinis Fratrem, qui adeò cæcis hominum mentes deceperat, ut omnes post illum abirent, velut sanctum & mirabilem factorem operum. Vulgò enim fama erat, ipsum plures variis oppressos languoribus sanasse, cæcis visum reddidisse; audire surdos, & mutos loqui fecisse. Ipse verò non ut Sanctos decet, hujusmodi gloriam fugiebat; sed vtrò se offerens, miracula ipsa velut mercedem aliquam pollicebatur, & non solum vulgus, sed etiam Fratres illi astipulabantur, ad id nimirum intenti, ut obsonia & eleemosynas haberent crebriores, atque illas nasti, populos clam suæ temeritatis irriderent. Stupor erat, cernere circa illum catervas languentium, qui undiquè confluebant, turbam gentium infinitam, quæ per oppida & vicos illum sequebatur; & cum nihil penitus faceret, quod esset admiratione dignum; cum denique plures nossent ipsum publicâ infamiâ notatum, tamen is erat animorum ardor, ea cunctorum fides, ut nihil quo vanior eorum opinio fieret, auribus admitterent. Res fuit profectò pessimi exempli, ut quæ apud multos verissimas sanctorum res gestas in dubium revocaret; quod intelligerent eadem etiam tunc evenire potuisse; non rectè tamen, nec sapienter judicantes. Quorum enim vita cum operibus verè fuit admirabilis, eorum perpetua & stabilis permansit gloria; quorum verò fucata coloribus falsarum rerum fama exorta est, quia fragili fundamento nitabatur, citò corruit, atque obscurata est; sicut de isto accidit, cujus nomen penè ex hominum memoriâ deletum est, & qui tandem ignominiosâ

morte vitam finivit suam. Sed redeo undè digressus sum. Sæpenumero quoties mecum reputo, quales se nobis præstare debent clerici, quàm immaculatos, quàm inreprehensibiles, ut Apostolus ait; quot & quàm mirabili virtute, peritiâ, prodigiis multis, priscis temporibus ex illis claruerunt, summis in angustiis & inopiâ rerum omnium constituti, abjecti, viles, & pro cæno habitati; mirari cogor, quænam fuerit causa, quâ hi nostri temporis sacerdotes tantum à majoribus suis degenerarint. Illi enim undiquè circumsepti inimicis, fame, frigore, persecutionibus afflicti tamen firmo in proposito permanebant, & nil penitus moliebantur quod summo Deo displiceret; parati, ne secus agerent, vitam ipsam relinquere, quâ nihil carius apud mortales esse potest. Hi verò in pace, in otio, inter Christianos, in divitiis multis ab ipso Deo positi, vehementer ingrati, inter se certant quonam modo alter alterum vitiis possit superare, & seculares docere ipsorum improbitates imitari. Illi enim docere debent nos verbo quidem & exemplo, quòd Deum & Dominum nostrum super omnia diligamus. Ipsi verò, Deo ipso relicto, in terrena rapiuntur & caduca, & ut ea consequantur Divinis Officiis incumbunt non devotione aliquâ, nec fide, sed ut per hæc vias suis concupiscentiis fruantur, Hypocritæ tristes, Deo invisibiles. Item verbis instruunt, ut nos invicem amemus, ut concordēs simus, ut nulla inter nos scandala seramus: at ex eis aliud aliud gravi odio, seditione, crudelissimis inimicitiiis insectatur, & ita inter se discordiis, ambitione, invidiâ & maledictis æstuant, ut in eorum conventu nulla quies, nulla pax possit reperiri.

Hortantur aliquando populos ut alienis mulieribus, ut à puerorum coïtu, ut à furto, à rapinis & injuriis abstineant, sed ipsi adulteria, fornicationes, stupra, furta, rapinas, frequentissimè exercent: ita secularibus infensi, ut nullum injuriæ genus prætermittant. Quibus rebus sit ut pro pastoribus, sicut aiunt lupos habeamus. Sanctum aliquem miraculis clarum, multos ex eis doctissimos, jamdiu vidit nemo. Quinimo, quos vocant seculares & clericos, imperitos ferè omnes cernimus. His igitur, quæ ita breviter perstrinxi, satis liquet, nisi pervicaces velimus esse; nostræ aut superiorum ætatum viros antiquis longè impares fuisse, & ferè in cunctis inferiores.

Tum ego. Non inficior quidem ex viris illis, quos prima secula tulerunt, multos fuisse claros atque illustres, sicut ipse dixisti; nec quisquam est à literarum studiis non abhorrens, qui id planè non fateretur. Addo etiam, ex eis nonnullos extitisse in suo quemque genere virtute tam eximiam, ingenio ita mirabili, fortunâ tam secundâ, ut eis similes nulli postea reperti sint. Et ut de pluribus sileam fateamur Cæso Cæsari, Magno Alexandro, Scipionibus, Hannibali, Pompejo, Pyrrho Epirotarum Regi, Caio Mario, Camillo, Fabio, & quibusdam aliis tum Græcis tum Latinis, in re militari neminem æqualem reperiri potuisse. Addo etiam, si placet, fuisse plurimos, licet non ita in arte illâ sublimes, tamen egregios valdè ac probatos duces. Milites etiam illorum temporum fuisse meliore disciplinâ, majoribus viribus, majore continentia præditos, & in omni actione bellicâ magis exercitatos, quàm hi quos vel nostra vel superiora secula viderunt: non omne

quidem nec omnium locorum, sed Latinos, aut Græcos, siue etiam Afros. Neque etiam in Philosophiâ quemquam alium, Platoni, Aristoteli, Theophrasto, Carneadi, & si qui fuerunt illis similes, posse comparari. Nec in eloquentiâ Ciceroni, aut Demostheni, aut Æschini, Demadi, Lyfiæ, Isocrati, Crasso, Antonio. Nec in Mathematicis Ptolemæo, Euclidi, Nigidio. Nec in Historia Livio, Sallustio, Herodoto, Thucididi. Nec in Poëticis Homero, Pindaro, Sophocli, Menandro, Euripidi. Aut ex nostris Virgilio, Nasoni, Statio, Plauto, Terentio, Iuvenali, Horatio, par aut similis quisquam ferè posset inveniri. Similiter de reliquis artibus censeo, natura enim in omni arte ac doctrinâ ita quosdam mirabiliter effinxit, ut instar quoddam & exemplum aliis facere velle videretur. Sic etiam Deus in Ecclesiæ primitiis sanctos quosdam eò signorum & eruditionis gratiæ provexit, ut nulli postea tales apparuerint; nec immeritò. Cum enim totus orbis falsis Deorum figmentis, vel (ut veriùs loquar) illusionibus Dæmonum esset imbutus, & ubiquè vanis idolis sacra fierent; maximis prodigiis, divinâ sapientiâ, multis animæ, corporisque passionibus, tam inveterati errores erant repellendi. Idem etiam in prudentibus viris evenisse reor, quorum aliquos ab initio penè divinos in tradendis legibus & constituendis conservandisque civitatibus constat fuisse: quibus postea æqualis evasit nemo. Tibi etiam persuadeas velim, juxtâ Sallustii sententiam: Res neimpè Antiquorum gestas satis amplas ac magnificas fuisse, verùm ea vis ingenii apud earundem scriptores fuit, ut mediocres res plerumquè etiam parvas, pro maximis suâ clo-

quentiâ fecerint videri. Nonnulli etiam, ut Augustinus ait, dùm se historias scripturos profiterentur, non solùm historiam, sed etiam laudes conscripserunt & non solùm laudes, sed vituperationes: prout enim quisque vel amabat; vel oderat; ità in historiis laudat, vel infestatur, seu veritati rerum addit, aut detrahit. Quamobrem sicut Polybius refert, & Iosephus etiam testatus est; multa in historiis contraria, varia, diversa reperiuntur. Etiam quibusdam mentiendi causa fuit, quod res auditas, non visas, & ab antiquissimâ memoriâ repetitas referebant. Unde apud Græcos maximè innumerabiles fabulæ in eorum libris reperiuntur. Latini quoque nec talis culpæ insontes extiterunt. Apud Livium sanè relatum est; adeò varios & sæpè dissidentes scriptores ipsos rerum fuisse, ut ipse scriptum reliquerit; quod cui assentiretur, non haberet: & alibi dicat: nullum in historiâ mentiendi modum fuisse; id est, Auctores pro libito sua literis mendacia tradidisse, non veritati studentes, sed quemadmodum suâ eloquentiâ sua ingenia celebrarentur. Itaque illa veterum gesta, quæ solemus admirari, etsi magna fuisse crediderim, non tamen qualia scriptores ipsi demonstrarunt; nec etiam aliquandò talia, quod non ab aliis postea maiora, vel paria sæpe numero sint facta. Sed deploranda est temporum qualitas, quod ab octingentis ferè citra elapsis annis tanta Scriptorum penuria secuta est, quantam nulla secula meminere: quod idcirco accidisse reor, quoniam nutante jam Romano Imperio & in occalum vergente, Barbari, Græciam & Italiam ingressi, omnem vivendi normam mutaverunt; & cum es-

sens literis infensi, atque idcò illarum periti nullum propositum præmium viderent, tacere, quàm monumentis res sui temporis gestas tradere, maluerunt. Quo circà quàm multa tum bello, tum pace inclyta facta penè oblivioni data sunt? Neque opinor ego, tum defuisse ingenia doctissimorum hominum; quoniam liquet per ea tempora multos fuisse claros, & in omni literarum genere peritos viros, qui si animum ad historiam applicuissent, forsitan non minore, quàm priores quidam eloquio valuissent scribere. Illa etiam fortè suberat causa, quod Christianæ Religionis homines doctissimi, magis in Sanctorum rebus gestis, & defensione fidei, quàm in hujusmodi historiis laborare voluerunt: & cum ea scribendi facultas jam obsolevisset, alio jam semel conversis animis, etiam post exactum Barbarorum dominatum usque ad hæc tempora historia penè muta facta est, & præstantissimorum hominum memoria oblitterata. Sic res gestæ Theodosii clarissimi Principis, & plurium aliorum Principum, ac etiam Belisarii, Stiliconis, & plurimorum Ducum, perierunt. Quàm multa inter hæc tempora, in Gallia, in Germaniâ, in Asiâ, in Hispania, in Italia gesta sunt, quorum nulla, aut exigua extat memoria; quæ si Livium scribendi magistrum habuissent, amplissima, & vetustissimis illis simillima videretur; sicut ex his satis constat, quæ à quibusdam breviter annotata sunt, vel ab his etiam scripta plenius, quorum libri sine peritia, sine ornatu eloquentiæ conditi in tenebris ipsis remanserunt in paucorum manus delati; in quibus legi ego jam plura & maxima memoratu digna. Convenere jam multi Christianorum Principes, ut

Hierosolymam urbem & Christi sepulchrum ab infidelibus recuperarent ; qui cum exercitu moventes, totam ferè Assyriam & Armeniam & omnem Iudæam subegerunt ; plures exercitus hostium fugarunt , & in ipsis Hierosolymis per multos annos clari successerunt Reges; qui parvâ manu res dictu incredibiles gesserunt. Fuit item (parùm ante ætatem nostram) vir genere Scythæ, Tamberlanus nomine , qui cum ingenti exercitu omnes penè Orientis provincias subegit , & maximum Teucrorum Regem fudit accepit ; Damascum , nobilem urbem , & Oppida innumera expugnavit; vir industriæ, prudentiæ , gravitatis maximæ ; cujus castra velut civitas quædam videbantur ; summâ severitate , magnâ justitiâ omnia regebat. Nullum in castris illis furtum, nulla rapina, nulla violentia committebatur : duci milites summo parebant studio, & pro illius iussu alacres pericula omnia subibant. Horum res gestas si qui Auctores digni celebrassent , quàm magnæ, quàm admirabiles , quàm veteribus illis similes viderentur ! Fuerunt etiam ætate nostrâ, & superiori , in Britanniis, in Galliâ , in Hispaniâ clarissimi & memoria digni Reges , Principes, Duces, quorum fama penè deleta est. Sed ut alios omittam, & de Latinis loquar, vel qui inter Latinos sunt versati ; legisti tu aliquandò libros à Leonardo Arretino priscâ eloquentiâ conscriptos? In quibus dum Florentini populi res prosequitur memoria dignas , omnem Italiæ historiam annorum plurium describit , in quâ tam multa sunt memoratu digna, ut quicumque libros illos diligenter legerit, existimet necesse est , quæ ab ipso relata sunt , non multùm ab illis differre , quæ

de claris Antiquis viris referuntur. Ibi inter cæteros contemplari licet Caroli Regis, qui civibus optimarum partium Florentiam restituit; Florentini populi; item Huguccionis Fagiolini, Ruffi Castrucii, Guidonis Arretinorum Præfulis, Henrici Principis, & Roberti Regis facta egregia. Ibidem etiam licet perspicere Mastini Mediolanensis Archiepiscopi, Galeactii ejusdem civitatis Ducis, Alberici Comitæ, Jo. Augi Florentinorum Ducis, Galeactii Mátuani, Petri Farnesii, Galeactii Malatestæ, & aliorum plurium excelsa opera. Quæ omnia, si Leonardus non fuisset, jacerent in obscuro & omninò apud hominum memoriam deperissent. Quod de Romanis & Græcis evenire necesse erat, si suarum rerum scriptores egregios non habuissent. Quamobrem non ætas nostra, aut superior, culpanda est, quæ multos habuerunt illustres viros, sed dolendum est potius, eis meritum scribendi præconium defuisse; cujus defectu etiam præstantium veterum nomina non pauca obscurata sunt. Et quemadmodum inter hæc quæ memoravimus, tempora bellicæ laudis gloriam floruisse demonstratum est; ita etiam conjectari licet, & aliquorum literis satis constat, multos tunc fuisse prudentes, sanctos, & innocentes homines: plurimos etiam claruisse in omni doctrinæ genere, sicut eorum libri demonstrant, quos in hominum manibus videmus versari. Sed de his postea latius. Nunc ad incepta redeo. Vidimus ætate nostrâ Philippum Florentiæ natum cognomine Hispanum, qui pro suo præstantissimo Principe Sigismundo Romanorum Rege dimicavit cum bellicosis gentibus sæpè, fortissimè, ac felicissime, ac Provincias nonnullas ejus imperio

adjecit. Item Franciscum (Carminiolam cognomine) Venetorum rei bellicæ ducem, qui maximos exercitus summâ disciplinâ, præclaro ordine, magnâ cum justitiâ regebat; nec quisquam adeò magnus erat, qui non ejus, nedum justis, sed autibus obedientissimè pateret. Fuit vir obscuro genere, sed qui præstantissimorum gloriam adæquavit, & imprimis pro Philippo Mediolanensium duce, deindè pro venetis bella ingentia gessit, confecitque sæpenumero secunda fortuna usus. Eodem ferè tempore Biordus ex Perusia; Carolus ex Arimino, & una secum Fratres militares viri & Duces egregii; Fazinus ex...; Orho ex Parma. Martinus ex Faventia; Tartalia ex Avello; Paulus ex vrbe Roma; Nicolaus ex Tolentino; Michaël ex Cotiniola magnâ gloria floruerunt. Nec non antè istos parûper, ex Florentia vrbesuere duo bellicis laudibus insignes, Nicolaus scilicet Acciajulus, cujus etiam prudentia & virtute longo jam tempore Apuliæ Regnum gubernatum fuit: item Mannus Donatus; cujus in re militari egregia extant monumenta, quæ ipsum summis laudibus extulerunt. Eadem ferè tempestate clari habiti sunt Bonifatius Lupus Parmensis, ex Camerino vrbe Rodulfus varanus. Verumtamen inter omnes istos emicuerunt præcipuè viti duo, virtute ingenti, gloria sublimi, Sforzia, scilicet, ex Cotiniola oppido, Braccius item ex Montone seu Perusia civitate; quorum alter integritate & fide eximia præditus; in bello manu fortissimus & summus Imperator, adversa fortuna rarò, secundâ frequenter usus amplissima rei militaris facinora edidit; quæ si quis singulatim velit prosequi, magni voluminis modum excederetur: alter
verò

verò ingenio, celeritate, audacia fretus, Urbes, Castella multa, & Oppida vi & astu (cujus erat profundus artifex) cepit, & ditionis saxe fecit; exercitus plures fudit, victoriâ semper potitus, nisi cum apud Aquilam Urbem victus fuit; ac etiam in praelio ipso fortissimè dimicans, cæsus; qui si tunc victor evasisset, proculdubio Apulix Regnum occupasset, & sicut multorum fert opinio, majori Italiae parti imperitasset. Hi haud minoris gloriae successores reliquerunt, ipsi Braccio Nicolai duo unus, videlicet, Piccinus cognomine, alius ejusdem Braccii nepos, successere: duo belli fulmina, quorum res præclarissimæ in ore omnium sunt, nullâ ex parte ipsius Braccii rebus inferiores. Sforziæ verò successit Franciscus filius, magnitudine animi, prudentiâ, scientiâ rei militaris, admirabilis, qui non solum suæ ætatis duces, sed plures etiam Antiquorum superavit: eorum quos suprà memoravi (Braccii, scilicet & ejusdem successorum) sæpè victor. Hic, cum adolescens esset, patre amisso, cum exercitus imperium recepisset, brevi tantum effecit, ut militibus carus esset, & cuncti existimarent, futurum aliquandò, ut ejus præclaris factis præteritorum ducum fama obscuraretur, & ad summam potentiam promoveretur, sicut postea evenit; & imprimis apud Aquilam Urbem ejus virtus emicuit. Nam adversus Braccium pro Pontifice militans, præcipuum victoriae momentum fuit, nec alium (ut ferunt) Braccius extimuit magis. Deinde cum Philippo Mediolani Duce stipendia faciens: dexteritate morum, & magnis operibus in tantum ipsi Duci carus fuit, ut omnes apud ipsum benivolentia & caritate superaret, & ab

ipso in generum ascisceretur ob altam ejus indolem, quæ majora de ipso videbatur polliceri. Deinde à Philippo ipso discedens, Picenum cum exercitu ingressus, pulsus hostibus, oppida & civitates omnes armis recepit, & diù in illis locis justè clementerque dominatus est; & interim Florentini populi & Venetorum Dux factus, in omnibus eorum bellis cuncta ipsorum loca tutatus est, & contra hostes sæpè dimicans, semper egregiâ victoriâ est potitus; & inter reliqua raræ virtutis opera illud præcipuè memoratur, quod cum Veronam Urbem cœpissent hostes, ipse, rapto agmine, movens celerimè, fuis hostibus Urbem ipsam Venetis recuperavit, tandè inq; arbiter pacis inter cunctos Italiæ Principes & Respublicas factus, omnia egregiè composuit cū summâ laude & gloriâ. Reversum ex Galliâ & in Exio civitate commorantem novi postea casus exceperunt. Offensus namquè ex pace illâ Pontifex, Nicolao ipso Piccino, & nonnullis aliis mercede conductis, bellum ingens adversus ipsum concitavit. Quo in bello victo prius levibus præliis Nicolao, deinde ejus filio, & Pontificis legato ingenti pugnâ fuis ac fugatis, in pace aliquamdiù mansit. Verùm postea & Aragonum Regis potentiâ & suorum dolis ac proditione circumventus, quas possederat civitates omnes amisit, nunquàm tamen in prælio victus; Et cum socero in auxilium proficisceretur, ipso vitâ functo & exorto inter Mediolanenses & Venetos bello, ipse Mediolanensium belli Dux creatus, ita venetos afflixit, ut eorum Duce atque exercitu magnâ pugnâ superatis, & expugnatâ Placentiâ, ipsi se

penè in bello victos faterentur : & erat res haud
fanè ambigua, si eorum, qui Mediolani plurimùm
poterant, sana mens fuisset sed illi suspicantes nè
forsitan, devictis Venetis, pro se ipso dominatum
assereret, & nimio successu illis fieret formida-
bilis, omnes ejus, post victoriam, conatus impe-
diebant. Quà re animadversâ (neque enim ob-
scura erat) mutato consilio, & pace cum Venetis
factâ, contra ipsos Mediolanenses arma conver-
tit, & eorum oppidis partim vi, partim metu sub-
actis, & obsessio tandem Mediolano, plurimo
sudore, maximis periculis, Venetis etiam contra
nitentibus, civitatem ipsam, fame & armis ma-
ceratam, ad deditionem compulit; posteaquæ
unâ cum Florentinis sociis atque amicis adversus
Venetos bellum gerens eorum potentiam attrivit,
eôsque penitus ad mare & classes compulisset,
amissis, quas tenebant in Italiâ urbibus, si ad
bellicos sumptus pecunia suppetisset. Ejus igitur
coactus inopiâ, & quod etiam quosdam ex suis
ducibus non in fide mansuros animadverterat,
pacem non invitum Venetis concessit unâ cum Flo-
rentino populo cujus maximè opibus fuerat su-
stentatus. Nunc verò in pace populos regens,
mansuetudinè, justitiâ, caritate incredibili cun-
ctis palam fecit, se non minorem pace quàm bello
virum esse. Hunc tu non præstantissimum, non
omni laude, prædicatione, historiâ dignum judi-
cabis? aut omninò pertinaciter defendes, ætatem
nostram omninò egregiis viris vacuum esse?
Talibus tu viris, quales supra memoravi, mili-
tarem disciplinam, industriam in conficiendo,
celeritatem in agendo, audaciam, aut fortitudi-
nem contendes defuisse, aut eorum exercitus non

fuisse fortes atque ad omnia pericula intrepidus. Neque negaverim ego militaris rei formam atque ordinem in plerisque ab Antiquorum variatos institutis. Illud affirmare ausim, quod, scilicet, hæc, quam videmus, disciplina nequaquam inepta videri debet, aut contemnenda: neque enim si à veteri illâ in nonnullis discrepat, propterea est respuenda. Nam & tempestatibus illis non omnes eodem more atque usu militabant nationes; aliter nempe in plerisque Romani, aliter Græci, aliter Pœni utebantur: neque illis eadem arma, seu instrumenta bellica, nec idem erat equorum usus; quin etiam ex Romanis Ducibus multi minimè eodem ritu, sed diversis modis instruebant acies. Idem apud Græcos & Carthaginienses erat, quos inter non eadem erant vigiliarum, stationum, aut custodiarum leges; omnes tamen peritissimè in bellis versari ferebantur & ex eisdem celeberrimi nomine Duces emergere, bellicis laudibus cumulatissime ornati. Atque ita ferè cunctis in artibus evenisse constat. Plurimi namquè Philosophorum suo quisque scribendi genere ornatè copiosèque Philosophiam libris illustrarunt suis. Eandem ergò rem diversimodè aggressi, magnâ omnes gloriâ non caruerunt, ita cujuslibet varius scribendi mos probatus est. Inter Oratores ipsos dicendi agendique varietas vix potest enarrari, vix inter Pictores, Architectos etiam, & aliarum Artium magistros; quorum tamen, ut ait Cicero, dicta, factaque probatissima fuerunt, quanquam in multis dissimillima. Illud quoque naturâ ipsâ duce & rerum experienciâ cogimur agnoscere, quod, scilicet, non eadem lex aut mos idem omnibus in

locis convenit, nec in omni tempore, neque inter omnes. Ex quibus si pervicaces esse nolumus, satis liquere arbitror: non propterea hujus temporis militiam improbandam esse, quod in nonnullis ab antiquis discrepet institutis, modò situationi, locis, temporibusque accommodata; sicuti esse, ipsa docet experientia. Et cum pleraque à te dicta, sim admiratus; illud imprimis non mediocriter admiror, quod videlicet, affirmare ausus es: nullam castrorum munitionem, nullam disciplinam, nullum ordinem in illis esse. Arma quoque ipsa detestatus es; quæ novissimè utiliterque adinventæ, laudare debuisti. Exercitui quidem unus præest Imperator, cujus in manu vitæ est necisque potestas; & sicut olim Tribuni centurionesque, ita nunc plurimi, ordines Militum ducunt sub ejusdem ducis imperio atque auspiciis, qui errata militum severissimè solet coercere. Cum iter faciunt, redacti in acies, decore incedunt, ad subitos casus parati, speculatoribus præmissis, ne quis eos improvise adoriat. Cum verò faciunt castra; si procul sunt hostes, locum idoneum & naturâ ipsâ munitum deligunt, ne quis eos nisi temerè possit adoriri; si autem in propinquo sunt hostes, tunc castra ipsa muniunt, & circum ea fossas latas & aggeres ducunt, locum eligentes, unde aquandi & commeatus copia possit haberi. Præsto semper sunt, qui noctu, qui luce armati custodiunt castra, quique, si quo opus est, ducem ipsum ad-eunt; Et si quid grave immineat, quod sit agendum cum Imperatore ipso, exercitus primores, conveniunt, & re vehementer discussâ, consilium capiunt; & si qua sunt, quæ Dux milites la-

tere velit, dissimulatione, silentio, fallaciis tegit. Cum verò collatis signis est dimicandum, equitum instruitur acies pluribus ordinibus, intervallisque disposita. Sæpenumerò à latere Equitum alæ; nonnunquàm cum fronte ipso cornua fiunt; acie subsidiis firmata; castris præsidio munitis. Et si in planitie res est agenda, equites in medio circa pedites disponuntur, sagittariis præmissis: si verò in montibus seu asperis locis, pedites præcedunt, sequuntur equites, non ita graves armis, ut sint inutiles, ut postea differtur. Civitates & oppida coronâ seu machinis expugnant, bombardâ præcipuè, veteribus incognita, cui nullæ arces, nulla resistunt mœnia, & quàm multa oppida insignia superioribus & nostra ætate per terrarum Orbem expugnata sunt? Novissimè Byzantium, amplissima civitas, vi & armis capta ac direpta est. Insidiis quoque hostem aggredi, ejus consilia præripere, sua tegere, aliud pro alio simulare, hujus ætatis duces sunt peritissimi. Neque semper in hoc genere Romanos pluris fuisse reor. Nam usque ad Hannibalis tempora per rarò illos talibus usos artibus constat; potiùs aperto Marte industriè quidem & egregiè. Unde ipsum Hannibalem dixisse ferunt; Romanos ad hujusmodi belli artes cæcos fuisse. Atque etiam nostrorum equitum affirmare amsim meliora, quàm vetera, usuque habiliora esse. Nam, sicut rerum tradunt Scriptores, Cassidè equites, Loricem, & clypeum ferebant: Ocreas etiam, & ferreas manicas; & cum talibus essent onusti armis, ab ipso clypeo vehementer impediabantur, altera manu pene inutiles. At nostris equitibus manus sunt expeditæ, neque ita sunt

armis graves, ut non totum in prælio dici pondus queant ferre, modò sint fortes & bellis affueti; quò fit, ut & illis tutiores ab hoste sint, & tamen fortiter agere non præpediantur. Quamobrem arbitror ego, robur exercitus idcirco apud Italos non in peditibus esse, quòd pedes armatum equitem non possit lædere: contra verò equites peditum aciem, ab eorum armis tuti, facillè dissipant, & cum equis ipsis conterunt, & infestis fodiunt hastis, quibus ferè Antiqui non utebantur. Apud eos autem totum penè exercitus robur pedites erant, à quibus etiam equites longe superabantur, eâ, videlicet, causâ, quod vulnerari faciliter poterant, nec armis ad feriendos pedites tam idoneis pugnabant, armis onerati; sed quæ non ità corpus tegerent, ut securi à legionibus fierent; quod præcipue in Barbarorum equitatu accidebat, quibus non ità erant armata corpora. Nonnunquam tamen tanta erat equorum vis, ut ipso impetu dissiparent acies, & sæpè in fugam verterent, atque etiam tunc nationes quædam equestri quàm pedestri acie aptiores erant, velut Parthi, Persæ, Armeni, Numidæ. Hannibalem quoque Livius refert, quia equitatu invictus erat, aliquando adversarios vicisse. Libet etiam supradictis addere, quòd non omnes equitum turmas eisdem rectas armis videmus; nam leviter quidam, mediocriter plures, nonnulli præcipuè ferro recti in prælium vadunt. Quocircà tam varia equestris acies, ad quæ vis belli munera reperitur agilis. Et si forsitan mercede conducti exercitus bella nutriunt, de industria sæpe indulgentes hostibus, & viribus minora facientes, id non præsentis, sed

alterius foret controversiæ : neque enim ex hoc militaris industria, sed perfidia ipsa in crimen adducitur ; quia, scilicet, quod mercenarii possunt, nolint perficere. Nam & si quando pro se ipsi bella ineunt, tunc fortissimi, audaces, pugnacissimi apparent : plerique etiam haud infideles. fortissimam his, pro quibus merebant, operam navarunt. At si tu veterum historias diligentius perquires, invenies creberrimas ejusce generis militum proditiones ac perfidias ; quæ si enumerare pergam, grandis voluminis liber non sufficeret, & longior, quam proposuerim, fieret Oratio. Id nunc tantum dixisse satis sit, quod post Claudium Principem Romani exercitus ex colluvione omnium gentium mixti, modò huic, modò illi adhærentes Principi, ipsos prius Cæsares creabant, deindè omnium ingratisissimi eos crudelissimè deserebant, necabant, & omni perfidiâ persequiebantur, avaritiâ & libidine cæci. Nunc reliquum est, ut de fortitudine ac militum vitâ pauca disseram. Et imprimis fateor, sicut prius à me dictum memini, Romanos milites, Græcos, Carthaginenses ; viribus, exercitatione, audaciâ aliquantum nostris præstitisse. Verum si multorum annorum, qui fluxerunt, historias omnes haberemus, non Latinorum solum, sed aliarum ubiquè Nationam infinita exercituum & singulorum militum facinora eximia liceret referre ; quod ex haud dubiâ conjecturâ potest agnosci, si, videlicet, eorum, quorum opera legimus, vidimus, aut audivimus, voles meminisse. Verisimile enim est, quod hi, quorum latent res & memoria, vel similis vel majoris etiam fuerint virtutis. Et si frequenter, non singulorum, sed

sed exercituum descripta sunt gesta, non milites culpandi sunt, sed qui minus diligenter res ipsas literis tradiderunt, si modò illas valuerunt referre. Neque etiam tu tantum nostris succenseas velim, cum eorum rapinas, crudelitates, blasphemias, libidines accusas (quas ego non inficior,) quin memineris in ejusmodi vitiis veteres, quos ipse laudas, his ipsis nequaquam fuisse inferiores, quosvis Græcos aut Latinos Auctores legas, nullos reperies, qui non creberrima militum scelera describant; ut infinitos in his Plemínios reperire possis. Et ut paucis locum hunc absolvam, audi quid de illis Lucanus dicat:

*Nulla fides pietasque viris qui castra sequuntur,
Venalesque manus: ibi fas, ubi maxima merces.*

Sed de his hæcenus. Agè nunc & claros in rebus publicis regendis viros evolue; non quippè omnes (nam id infiniti esset operis,) sed ex his aliquos, qui Florentiæ, aut Venetiis illustres sunt habiti: aliorum enim virtus vel mores obscuriores sunt, nobis præsertim, qui de aliarum civitatum viris, nullam aut exiguam notitiam habemus, in eis noscendis minimè versati; unde sat erit, si in genere de quibusdam civitatibus dicatur. Sed antequam de singulis refero, non ab re fore arbitror, pauca de universâ civitatum gloriâ præmittere. Postquàm in Italiâ, exactis indè barbaris, Cæsarum etiam, quia à Germanis erant, cessavit dominatus; vrbes plurimæ libertatem asserere, Respublicas suas constituere paulatim inceperunt, coaluissentque magis, si per civiles discordias, quarum origo à Romanis Pontifice ac Principe fluxerat, licuisset. Sed ea discidii labes adeò cunctorum animis irreperat, ut una

factio alteram ex Urbe pellerè , atque omnino delere niteretur. Undè accidebat sæpiùs ; quòd ejecti cives & exules facti , cùm alioquin reditum in Patriam desperarent, in illis Dominis spes collocarent suas , quorum opibus pristinum in patriâ locum valerent adipisci, exulceratis semel ab injuriâ animis & inexplicabili odio tumidis. Quibus malis fiebat, ut civitates , dissensionibus ipsis minus ad resistendum validæ , aliorum imperio subijceretur : ab illis in servitutem actæ, quorum auxilio libertatem tueri debuissent. Nonnullæ tamen ab hac peste non intactæ vrbes, magno animo servitutem abnuere perrexerunt, finesque suos propagare. Quas inter maximâ gloriâ emicuerunt Florentia , & Venetorum civitas. Et ut à nostris exordiar ; parvum ne tibi virtutis opus videtur esse , hanc tam præclaram urbem , pulchritudine nulli secundam , mœnibus cinxisse , innumeris Templis & sacris ædibus, locis publicis privatisque , & omni ornatu qui ad clarissimam spectat urbem decorasse , talémque illam effecisse , ut omnes ejus præstantiam & pulchritudinem admirentur ? Hæc verò non modicâ impensâ , non absque ingenti amore civium non sine magnis laboribus potuerunt perfici , & eò sunt magis admiratione digna, quò tempestate illa civitas nullis finitimis populis dominabatur. An etiam videntur tibi sine prudentiâ sine amore patriæ cives illi fuisse, à quibus tam præclaris legibus, honestis moribus, stabilitam urbem cernimus ? Qui suis consiliis , suâ virtute , immensis sumptibus , quibus pro Patriâ substantias exhauriebant suas, potentissimis hostibus restiterunt , multos vicerunt , civitates plures &

infinita oppida vrbis imperio subjecerunt, & ex parvâ Republicâ magnam effecerunt atque amplam.

Qui sacra cærimoniâsque summi Dei & Sanctorum ejus cum summa cura, religione, magnificentia magis quàm alibi coli voluerunt. Qui in rebus publicis magnifici, in privatis parci, ac tenues reperti sunt. Hæc tu tam, excelsa tam immortalia opera paucorum aut inertum censes fuisse? immò fateare necesse est, quas memoravires, confectas esse à viris multis prudentia, charitate, solertia, religione, temperantia, magnitudine animi præditis: ut te jam dixisse pudeat, novissimis sæculis nullos egregios cives, aut patriæ amatores extitisse. Atque ego, cùm nunc de quibusdam dicere aggrediar, libenter eorum civium, quorum imprimis historiæ Florentinæ libris Leonardus meminit, nomina referrem, si non fierem longior, quàm incæpti sermonis poscit oratio; si etiam non timerem ineptus videri, qui res à Leonardo facundissimè descriptas, quæ vos minimè latent, jejunè coner exprimere. Satis ergo in præsentia sit, de illis summatim dixisse, ac verissimè affirmasse, ex eis multos veteribus tuis fuisse nequaquam impares. Paucis autem eorum, qui vel nostra fuerunt ætate vel parùm superiore numeratis (quoniam non est, nunc animus, aut memoria suppetit, referre omnes; sicut paulò antè diximus; fuerunt enim penè infiniti, sed clarissimos quosdam, factis & genere illustres;) plerique vestrum, ætate provecti, mihi, nè succenscatis velim, quasi supervacuo vobis illos nominarim, qui cunctos probè cognovistis: neque enim vobis hæc refero, sed huic nostro, qui

atatem nostram velut inutilem suis verbis per-
 suadere nitebatur. Imprimis igitur eos omni lau-
 dis præconio dignos censeo, viros, scilicet, octo
 (qui Sancti postea dicti sunt) quos creavit po-
 pulus, ut præessent belli curis, quod tunc cum
 Pontificis legato gerebatur. Horum virtute, in-
 dustriâ, diligentia, fide, victoria ex hostibus in-
 signis parta est, & quas Romanus Pontifex in Ita-
 lia tenebat vrbes, amisit omnes. Ac nescio, an ex
 aliquo alio bello civitati major accesserit glo-
 ria. Fuit etiam in civitate ista, præcipuæ aucto-
 ritatis vir, Donatus Acciajulus equestris ordinis,
 prudentiæ, magnitudinis animi, continentie sin-
 gularis; cujus consiliis plurima in Republica uti-
 lia decreta sunt: nec tamen ob ejus egregia me-
 rita declinare invidiam potuit, quin inimicorum
 opera ex vrbe pelleretur. Floruit quoque non
 mediocri laude Loctus Castellanus, insignis eques
 qui & si haud quaquam in privata vita proba-
 tis fuit moribus, tamen egregius & maximè uti-
 lis fuit Reipublicæ civis, ejusque plura egregia
 feruntur pro patria facinora. Masius item Albi-
 zus, Nerus Acciajulus; Antonius, Nicolaus, &
 Benedictus ex Albertorum familia nobiles equi-
 tes, in civitate sua consiliis, factisque clarissimi,
 licet diversas in Republica partes secuti sint. Eodē
 tempore Raynaldus Gianfigliazzus, Philippus
 Magalottus maximis in vrbis rebus versabantur.
 Hi ad summam eloquentiam, prudentiæ, fruga-
 litatis, & humanitatis virtutes addiderunt; in
 omni suâ vitâ splendidi & moderati magnis in
 civitate honoribus functi. Nos inter claruerunt,
 præcipuè Bartholomæus Valorius, Nicolaus
 Vzanus, & Guido Thommasii equitis filius; viri
 sapien

sapientissimi, & in omni virtute præstantissimi, quorum maximè duo tantâ religione, abstinentiâ, integritate fuerunt, ut quibusvis Antiquis similes videri potuerint; & cum liceret eis, locupletissimos fieri, pluris integram famam, quàm pecuniarum abundantiam existimarunt. Quo circà hæredibus suis non patrimonii amplam hæreditatem, sed virtutis reliquerunt: Atque ità hi tres pro Patriâ inclytis factis dictisque nobilitati sunt. His addo etiam Joannem Medicem, integerrimum ac sapientissimum virum, Ginum ex Caponum familia, Migliorem Gradagnum, & ejus nepotem Verium, Angelum Philippi, & ejus filium Iañozium, equestris ordinis, homines optimos, & prudentiâ egregiâ præditos, quibus nec literarum ornamenta defuerunt. Dinum Vghuccii, Petrum Baroncellum, Bartholomæum Corbinellum, Dominicum Junium, Franciscum Federigum, Vguccionem Riccium, Lapum Castilioneum, Joannem Ristori, Philippum Corsinum Jure-Consultos; Carolum Strozzam; cives omnes illustres, & pro eorum amplissimis meritis egregiâ famâ celebres. Verùm, lapsus memoria, referre omisi ingentes equestris ordinis viros, Stoldum Altovitam, Thommasium Sacherum, Andream Vectorium, Thomam Soderinum, Ugonem de Stufa; Verium & Sylvestrum Medices, quorum Verius, cum civitas intestinâ discordiâ laboraret, licerétque illi per favorem populi adversarios pellere; nè tantum vrbì malum eveniret, re cum illis benè compositâ, ut cives ab armis discederent, curavit. Item Laurentium Rodolphum, equestris ordinis, Doctorem etiam insignem, optimum & innocentissi-

num virum, & Patriæ caritate flagrantem, quem populus optimatesque pro ejus præclaris meritis magnâ semper benivolentia coluerunt. Mamanum quoque Salviatum, & Nerium Gini ex Caponum familia, qui nuper defuncti sunt. Sunt etiam, qui nunc vitam ducunt, cives prædictis non dissimiles (quos nunc bonâ de causâ minimè nominandos censeo,) nec, ut opinor, quicumque sani capitis negabit, eos ingenti esse virtute viros, qui omnifariam belli; & pacis artibus vehementer Reipublicæ profuerunt. Unus tamen est, de quo reticere omninò nefas duco, quia talis ac tantus est; ut vel solus hunc suâ virtute possit arguere; quem in hac urbe natum, ne dùm patria, sed Etruria cuncta debet gloriari; de quo pauca dicens, ne vobis molestus sim, deprecor; quia quamvis nota referam, tamen ipsa rerum ejus recordatio voluptate me afficit non parvâ: & huic, sicut arbitror, ex ejus viri rebus gestis silentium imponam. Igitur ex Medicorum familiâ insigni, Cosima Ioannis filius, ætate nostrâ vir admirabilis, prodiit: hic ab adolescentiâ literis vacans, brevi non mediocriter earum peritus fuit; eloquentiæ ac moralis Philosophiæ studiis præcipuè intentus, in quibus certè pro ejus acerrimo ingenio princeps evasisset, si non ipsum rei familiaris & publicæ ingentes curæ distraxissent. Nam post patris obitum, unâ cum fratre, optimo ac præstantissimo viro, se ad Rempublicam contulit; & simul hæreditatis amplæ, quæ illis cesserat, suscepto negotio, nulla illi ferè temporis pars ociosa erat: non tamen incepta penitus deseruit, sed quod supererat temporis literis & doctis viris impar-

tiens, quod carissimum inter mortales est, tempus videlicet, nunquam frustra labi patiebatur; & eruditos viros semper opibus ac benivolentiâ prosecutus est, quos inter Nicolaum Nicolum, Leonardum & Carolum Arretinos, & Poggium, viros doctissimos, & eloquentiæ lumina, præcipuè coluit, & protinùs effecit, ut honores in civitate maximos, immunitates non parvas assequerentur. Ab ineunte ætate tantâ modestiâ, gravitate, continentiâ, & prudentiâ fuit, ut ejus mores non adolescentis, sed gravissimi cujusdam senis viderentur. Undè ferunt, magnæ tum auctoritatis viros sæpè dixisse, fore aliquando, ut ipse Princeps in sua Republicâ fieret. Quantum enim juvenes alii festis & ludis celebrandis, quantum luxuriæ, quantum vanis rebus indulgent; tantum iste bonis artibus, & optimarum rerum negociis indulsit. Quamobrem, cum postea patriæ caritas ipsum ad civitatis curam impulisset, sapientiâ plenus & bonis adhærens, nihil nisi prudenter & pro civitatis commodis moliebatur. Plures est ab initio Magistratus asscutus, qui urbis primariis solent demandari, in quibus gerendis sua tantum enituit virtus, ut tum civitatis Principibus par, aut etiam superior haberetur, integritate quidem & benivolentiâ civium proculdubio cunctis excellens. Ipsum namque universus populus unicè diligebat, quoniam mitissimus atque humanissimus universo hominum generi reperiiebatur, & sicut malos oderat, ita bonos mirificè fovebat; eos (quantum poterat) præstans ab injuriis tutos ac securos; in egenos pius, in amicos liberalis, inimicis clemens assiduè fuit; quæ res cum summum sibi

amorem civium conciliaſſent , magnum ſimul
ab invidiâ odium ſibi pepererunt. Ægrè enim
ferentes quidam , illum immodicè , augeri , ſe verò
& ſuam potentiam diminui : ipſum tandem unâ
cum fratre laurentio relegari effecerunt ; quem
ſuſceperunt Veneti non ut à patriâ exulem , ſed
cum honore maximo , velut optimum & ad
omnia virum egregium ; quem licet inimici acer-
bè perſequerentur , tamen quoad exul fuit , qui-
bus poterat modis , favere patriæ non deſiſtebat.
Si quos civitas Veneriis mittebat oratores , cum
eis aderat , quamvis inimicis , non ſecùs de Re-
publicâ ſollicitus quàm ſi in illâ fuiſſet , ut ſole-
bat , florens ac beatus. Nec diù civitas ejus ab-
ſentiam ferre potuit ; nondùm enim circumaſto
exilii ſui anno , volente populo & optimatum
parte in patriam eſt reductus ; & cum eſſet ſine
côntroverſia civitatis Princeps , licerétque illi,
ut volebat , in inimicos vleiſci , multis ignovit,
& quos nimis ſuſpectos videbat eſſe , ne res no-
vas molirentur , ſolùm relegari paſſus , quâlibet
majore pœnâ liberavit : deindè civitatis commo-
dis invigilans , res pro illa incredibiles ad hæc
uſque tempora effecit. Suis namquè conſiliis,
ſuâ ſapientiâ , ſuâ induſtriâ Philippi , Mediolani
quondam Ducis , & hujus Vrbes hostis , vires
fractæ ac debilitatæ ſunt , & ſui exercitus ſæpè
victi ; cujus cùm gravi bello Veneti premeren-
tur , desperarentque illi poſſe reſiſtere , eos ad-
hortans , & ſalutis viam oſtendens , cauſa fuit,
ut Franciſcus Sforzia , tunc illis amicus , ſuſce-
ptâ belli curâ ipſos ab omni periculo liberaret,
& inſignes faceret ex hoſtium trophæis. Idem
quoque Joannem Vitellensem Pontificis lega-

tum , Florentiæ minantem & se cum hostibus jungere parantem , prudentissimè oppressit , sine ullâ civitatis notâ. Nec miretur aliquis , si ea , quæ suis temporibus magna in vrbe gesta sunt , illi præsertim ascribantur ; quoniam , sicut cunctis notum est , summa in eo residebat auctoritas , & tantum sapientiâ , cæteris præstabat , ut cuncta suis consiliis fierent , quæ gravioris ponderis in Republica viderentur. Memoriam tenetis , post pacem cum Philippo factam , quanta belli moles Francisco Sforziæ ingruerit ; qui cum tandem , viribus impar , cunctis , quæ tenebat , locis fuisset spoliatus ; & Veneti , haud beneficiorum memores , ipsum deseruissent ; & magna pars Florentini populi nullam censeret ei ferendam opem : solus Cosma gratissimo animo nunquam destitit , donec populus , ejus motus precibus , magna illi subsidia ministravit , quibus se & exercitum suum posset alere. Mortuo quoque Philippo , Mediolani Duce , censentibus multis , pacem & fedus cum Venetis renovari oportere ; solus restitit , eâ scilicet causâ , quia intelligebat , Philippo sine successore mortuo , Venetos faciliè totius Galliæ dominatum habituros ; quod si evenisset , minimè dubium erat , quin postea universis Italiæ populis imperassent. His ergo per-motus , & patriæ suæ metuens , plurisque illam quam venetorum merita faciens , solus , suis opibus , consiliis quoque , Francisco auxiliatus est , & (sicut verissimè licet dicere) suâ maximè operâ ille Mediolani & aliarum urbium imperium adeptus est. Quibus est rebus effectam , ut , cum Mediolani quondam Duces semper huic vrbi fuissent hostes ; vos hunc vobis amicissimum habe-

retis ; & simul Venetis Italiam occupandi facultas aut occasio demeretur. Quid de ejus in hoc bello novissimo rebus dicam ? Nonnè sciimus omnes, quâ industriâ, quâ diligentîâ, quibus artibus rebus publicis præfuit, & unâ cum insignibus aliis civibus tantum annixus est, ut eodem tempore Arragonum Regis maximi, & venetorum tremenda potentia domaretur ? Fuissentque penitus victi, si non pecuniarum inopia & militum perfidia spæcem fieri coëgisset. Deniquè, (nè longior sim, quàm tempus postulat) hoc Rempublicam gerente, civitatis imperium propagatum est, & ejus auctoritas longè latèque sublimior est facta. Nec prætermittenda sunt, quæ ad magnificentîæ ac pietatis pertinent opus. Hic enim Ecclesias plures, ac monasteria operis eximii construxit, quasdam etiam reparavit ; ædes sibi pulcherrimas & se dignas ædificavit ; pauperes homines suis opibus, quantum nemo alius, sustentavit ; & cum talis sit apud omnes Nationes clarus, tamen dici vix potest, quantâ sit humanitate quàm parcè, quàm religiosè domum regat suam. Operæ pretium est videre ipsum, ejus clarissimos & optimos filios, sine pompâ, sine servis sine vestium ornatu per urbem incedere ; ut qui illos, advenæ, conspiciunt, non eos, quorum adeò illustris fama est, sed mediocres quosdam viros arbitrentur : tanta ejus in cunctis est moderatio. Inimicorum injurias, maledicorum voces patientissimè tulit ; semper ipse à maledictis abstinens. Hunc ego verissimè dicam inter præclaros veteres togatos cives parigradu esse annumerandum & illis forsitan merito anteponendum. De venetorum verò Repu-

blica quis posset pro merito dicere ? Hi postquam semel liberi esse inceperunt , pari tenore, eisdem semper vixerunt legibus ; eadem in civitate instituta perdurarunt ; ut novam certè Lacedæmonem existimare posses. Ibi , non qui divitiis, sed qui vitute superat , præstantior habetur. Si qui eorum, qui res administrant publicas, seu Magistratum aliquem gerunt , vel parumper aberrarint seu vel exigua susceperint munera, severissimè puniuntur atque delicti gratia nulla invenitur. Secreta de rebus magnis consulta nefas ducunt detegere; & aperienti , aliqua gravis statuitur pœna. Si consilium eorum cerneris; Romanorum Senatum videreris intueri. Homines sunt graves, moderati, splendidè honestèque simul vestibus recti. Et , cùm in eorum Senatu grave aliquid consulitur ; tunc audire posses, quàm venustè, quàm graviter, quàm disertè sententiæ à pluribus dicuntur. Nihil inter illos vanum, nihil leve, nihil indignum posses inspicere. Et qui aliquandò inter eos videtur major , si quo insolentiæ processerit , vel si in aliquo civitatis offendat leges ; statim ex magno minimus fit, ne illius exemplo discant alii leges contemnere, vel potentiores , quàm par sit, esse cupere. Rem suam publicam unicè diligunt, proque illâ augendâ ingenti semper studio laborarunt. Quis enim posset referre, terrâ marique res ab illis gestas ? Primum quidem mari potentiam auxerunt suam ; nam sæpè magnis comparatis classibus, adversus eorum hostes felicissimè pugnaverunt; plures insulas, nonnullas Provincias vrbis imperio subjecerunt. Deindè in Italia cum finitimis belligerantes, vrbes multas sibi fecerunt subditas.

ac vectigales. In hac citate tu multos fuisse præstantes negabis viros? qui illam adeò magnam suis operibus fecerunt. Ego quoque, sicuti eram pollicitus, ex eis plures nominarem, nisi sermonis longitudinem vererer; quoniam & alia quædam sunt, in quibus oportet immorari. Igitur de uno tantum dixisse satis sit, Francisco, scilicet, Foscaro, Venetiarum quondam Duce, summæ prudentiæ, integritatis, & humanitatis viro. Hic quoniam, ut ait Cicero, sapientia sine eloquentiâ parum prodest civitatibus; in utraque simul princeps, tantum suæ patriæ profuit, quantum nemo alius præteritorum in ea urbe Ducum; cui dum magis cives assensu sunt, nec adhuc supra modum in ipsum invidia exarserat, secundissima omnia illi civitati evenerunt, ejusque dominatus immodicè auctus est. Postquam verò, inimicorum operâ, Respublica nequaquam suis consiliis administrari est incepta; urbis dignitas atque auctoritas in nonnullis labefactari visa est, & incommoda non parva illi accesserunt. Ipse autem, licet ab invidis omnifariam injuriis incesceretur, non ob hoc animo deficiens, nec segnior factus, eodem, quo prius tenore vitæ semper in rebus publicis privatisque perseveravit; nulli ad se criminandum oportunitatem præbens, quamvis ejus dicta factaque inimici diligentissimè scrutarentur: quo circâ intelligentes, se illi frustra insidias tendere, in ejus unico filio odium suum expleverunt; cujus indignum casum adeò fortiter & sapienter tulit, ut neminem veterum in hoc illi præferendum censeam. Nec Pisarum, aut Genuensium, inclytæ quondam Urbes, omittendæ sunt; quarum quæ-

libet navalis belli peritiam , ingenti classium apparatu (cum quibus sæpè adversus hostes fortissimè secundâ fortunâ certaverunt ,) & gloriâ terrâ marique gestarum rerum , seu varietate ipsâ fortunæ Atheniensium Vrbi , aut Sparthæ civitati haud sanè inferior cuivis debet videri. Quis enim ignorat , quot insulis & maritimis urbibus Pisani & Genuenses longè latèque dominati sunt ? quot portus in potestate habuerunt ? quàm celebre inter nationes barbaras fuerit eorum nomen , cujus metu infideles omnes premebantur ; & eos velut maris Dominos præcipuè horrebant ? Tales tu duarum urbium cives non præclaros judicabis ? Senæ quoque, Perusia, & Arretium Avorum memoriâ, maxîma Reipublicæ lumina pepererûnt, & in omni virtutum genere viros multos egregios habuerûnt. Quas inter Senarum civitas ad hæc usque tempora finitimis imperans, libertatem servavit suam, studiis bonarum artium imprimis dedita. Quas cum tu jamdiù perisse affirmares, & populos malis omnibus deditos diceres, in clericos præcipue investus ; necessarium duco, pauca tibi respondere, quæ non ego contentioso animo, sed, sicut meæ fert opinio, pro veritate ipsâ referam. Concedo itaque, forense dicendi genus apud veteres Græcos Latinósque, quia frequentissimè in usu erat, & in judiciis dominabatur , Oratorum numero & ipsius orationis copiâ, suavitate ornatûque verborum, præcipuè tunc excelluisse. Cum enim ea facultas honoratissima esset; homines præmiorum spe in eâ magis perdiscenda mentem atque animum dirigebant. Nam, ut ait Cicero, honos alit artes; & in quâ quisque majus propositum præmium videt; ad eam avidus incenditur. Et

illi ipsi oratores in forensibus causis versati, cum se ad Rempublicam conferrent, amplissimum in eâ locum obtinebant; doctrinâ ac forensi exercitio plurimum adjuti. Undè Athenas ipsas ab oratoribus maximè regi solitas legimus. Alibi verò, licèt ejusmodi homines non mediocrem in Republicâ locum obtinerent; non tamen eò usquè ut in Senatu Principes haberentur. Et hi perpauca numero erant, qui ex oratorum communi grege longiùs emergsi, multum cæteris præstabant, & qui editas orationes suas posteritati reliquerunt. Nàm hi quorum nulla extant scripta, quales fuerint, non facilè licet prospicere. Reliqui verò cives, sive Duces, qui in Senatu vel ad populum seu milites sententias dicebant, quanquàm graves & satis eloquentes fuisse credam; tamen multos illis non dissimiles nostro aut seculis proximis in Italiæ liberis urbibus fuisse dicere ausim. Neque tu mihi ex Livio aut Sallustio conciones objicias; quia, & si forsan affirmare licet, eorum fuisse sententias, quorum orationes referuntur; tamen earum dispositio, suavitas, illustratióque verborum ab ipsis rerum scriptoribus prodire. Quamobrem conciones tales in Sallustio & Livio repertas reprehendit Trogus, quod eas, libris inferendo suis, historiæ modum excesserunt. An verò tu credis, quas Leonardus refert, conciones, easdem fuisse, quas illi, quorum scriptæ sunt nomine, protulerunt; quæ (ut plurimum) materno sermone dictæ sunt, & si ad eas, quas legimus, comparentur, proculdubio diversissimæ videbuntur? Novissimo quoque hoc tempore constat, cum Venetiis tum Florentiæ, & aliis quibusdam urbibus esse

multos, qui splendide, graviter, ornatèque, cum de magnis agitur rebus, eloquuntur. Idem etiam de nonnullis, qui vivunt, ducibus possumus dicere. Igitur, ut locum hunc absolvam, fatendum censeo; tunc in forensibus causis oratores multos fuisse claros atque illustres, hodiè verò nullos; quoniam is, qui tunc vigeat, iudiciorum modus, jamdiu obsolevit; & in his, quibus nunc utimur, vel satis antea nationes usæ sunt, nullus vel exiguus oratori locus relictus est. Neque nostrâ solum, aut ætatibus proximis, ea dicendi facultas primùm labefactari cœpta est; sed apud Latinos tunc ejus cœpit interitus, cum in Cæsarium manus vrbs imperium venit. Nam, cum eorum nutu cuncta regerentur, nec alicui liberè, quod vellent, loquendi potestas esset, sed omnes cupiditatibus Principum, vel eorum, qui apud eos plus poterant, inservirent, atque illis nulli boni, nulli viri egregii placerent; paulatim eloquentiæ vires defecerunt, & ut ait Seneca de hoc ipso loquens: Postquàm pulcherrimæ rei præmium cecidit, omne certamen translatum est ad turpia. Nec tamen, dum stetit Respublica semper Rhetorum ars celebrata est; quoniam ante Marcum Catonem, illum videlicet qui Censorius cognominatus est, nullos, aut raros fuisse in vrbe præstantes dicendi Magistros legimus. Post illum quoque, quanquàm multi dicendi artem profiterentur, pauci tamen, ut ait Cicero, magni oratores evaserunt. His ergo exceptis, qui divino quodam eloquio vel in Senatu, vel in plebis cœtu, sententias explicabant suas; & illis etiam, qui saltim mediocres in forensi usu habebantur; reliquos cives, dum de rebus magnis consulebant,

non abſimiles eloquio noſtris fuiſſe reor; licet
forſitan plures tunc numero literarum peritiā
haberent, cum extremo libertatis tempore Ro-
mana Vrbs Græcis Latinisque literis præcipuè in-
dulſit: quā ætate etiam Duces ipſi, non ſolū
armis, ſed etiam eloquentiā ac literis gloriam
auxerunt ſuam. Veruſtiores verò dictatores, aut
conſules fide, fortitudine, induſtriā, & rebus ge-
ſtis, non autem dicendi arte, vel Græci Latini-
que ſermonis ſcientiā celebres emere. Simi-
les etiam in hoc fermè Carthago habuit cives
ducēſque. Cæterū non eadem de Græcis di-
cenda ſunt; quorum Imperatores ferè omnes
literatos fuiſſe conſtat, & ex eis multos, qui cum
bellandi peritiā non mediocrem eloquentiam
conjunxere. Nec multifacio quā quiſque linguā,
maternā, ſcilicet, an Latinā proloquatur; modò
graviter, ornatè, copioſeque pronuntiet. Atque
in horum altero dicendi genere infinitos penè
præſtantes viros temporibus proximis fuiſſe non
negabis. Nec etiam defuerunt, aut nunc quoque
deſunt eruditiffimi viri, qui in publicis urbium
rebus facundi & diſerti habiti ſunt. Et ut intelli-
gas tempeſtate iſtā non deſuiſſe ingenia, ſi ju-
dicialē dicendi genus exerceſceretur; recordare à
multis citra annis quot quā eximii Rhetoricæ
artis Præceptores per Italiam fuerint, & ejuſdem
viros doctiſſimos, qui divinā eloquentiā, ora-
tiones, Epiſtolas innumeras, & libros plures
perſcripſerunt, & Græcorum volumina venu-
ſtiſſimè in Latinam verterunt linguam. An tibi
videntur Leonardus, & Carolus Arretini, Rober-
tus Rufus, Veronenſis Guarinus, Poggius, Jan-
nozus, Manettus Ambroſius Monachus, & alii
multi,

multi, quos ferè omnes vidimus, non supremi extitisse; seu eloquentiæ, seu literarum, sive Philosophiæ, moralis præcipue, peritiam consideres? quorum aliqui ità historias conscripserunt, ut Livio ac Sallustio exceptis, nulli veterum sint, quibus illi non pares aut superiores fuisse rectè existimentur. Sed de hoc satis. Nunc ad Poëtas transeamus, in quibus numero, elegantia, & varietate, sine controversiâ vincimur, quantum ad illos attinet Poëtas, qui non communi seu vulgari linguâ, sed his, quas dicimus Latinam aut Græcam, versus exararunt. Quinquàm à multis dubitatum scio, duplexne, an unus loquendi modus esset. Verùm si modernos Poëtas inspicimus, qui materno sermone suum Poëma descripserunt, dicere audeo, fuisse imprimis duos, Dantem, videlicet, & Franciscum Petrarcam, quorum neminem elegantia suavitate & sententiarum copiâ Virgilio aut Homero postponendum arbitrarer. Quid enim dulcius, quid ornatius, quid sententiis clarius, quid varietate rerum illustrius, quàm eorum versus excogitari potest? Atque hi, quinquàm eo, quem dixi, sermone conscripserunt, doctissimi tamen & eruditissimi fuere, ad Latinum Carmen minimè inepti. Vndè ambo Buccolicum opus; alter etiam Africani res gestas Heroïco carmine posteris reliquerunt: operâ quidem non contemnenda, sed non quæ antiquorum quibusdam libris æquiparentur. Neque in hac re Joannem Boccaccium prætereundum censeo, qui apprimè eruditus, versu & soluta oratione ità in scribendo elegans fuit; ut si rem ipsam, non verbi modum, consideremus, non solum Poëta bonus, sed

etiam orator optimus videatur. Cæterum sicut in Rhetorica & Poësi parumper vincimur; ita in Philosophiâ veteres (præter admodum paucos) aut vincimus, aut adæquamus: dùm tamen (sicut necesse est) verissimè fateamur; veteres quidem Philosophos, paucis exceptis, quæ libris tradiderunt suis summâ ferè cum eloquentiâ junxisse: Eos verò, qui vel hoc tempore, vel à trecentis citra annis Philosophati sunt, nequaquam Orationis fucò deditos, solùm inquirendæ veritatis studium adhibuisse; qui, ut de Varrone Augustinus ait, tantum studiosos rerum, quantum disertis illi studiosos verborum delectarunt. Si enim, ut verbum indicat, Philosophia sapientiæ studium dicitur; non verborum ornatus, sed qui magis eam argumentis demonstret laudandus est, si res ipsa non autem orationis leuocinia inquiruntur, quæ licet Marco Varroni defuerint, Romano Auctori, inter Principes tamen suorum temporum annumeratus est. Alioquin, nec sacræ Literæ, nec primi Ecclesiæ Doctores laudandi sunt, quorum pars major, ut Firmianus ait, eloquio parùm, sapientiâ multum eximia fuit. Nec ipse tamen, quanquam reliquis eloquentiâ prestiterit, superior aliis, aut par etiam, fuisse iudicatus est. Si ergo nudum Philosophiæ studium spectas; reperies à quadringentis citra elapsis annis Gallias, Italiam Germanos, Hispaniam, innumeris ejus facultatis Magistris discipulisque scaturisse. Quid enim nobilius quàm Parisiis & in nonnullis Italiæ & Hispaniæ vrbibus, Philosophorum & Theologorum Scholæ? quos inter medicos annumero; quoniam ipsorum in Philosophiâ præcipuum stu-

dium est, sine quâ certè Medicinæ ars minimè investigari potuisset. Nec sanè intelligo, cui antiquorum, quorum libri extant, exceptis Platone & Aristotele, Albertus Magnus, & Beatus Thomas postponendi sint; qui tam multa scripserunt, ut nunquàm in otio fuisse videantur; adeò subtiliter & copiosè cuncta investigarunt, ut nihil eos latuisse existimetur, quod ingenium humanum assequi potuerit. Nec Barbari quoque summis Philosophiæ Auctoribus caruerunt; siquidem infra ea, quæ diximus, tempora ex Arabiâ ipsâ tales duos emeruisse constat, quales raros Academia vetus, aut Peripateticorum Scholæ, vel Stoïcorum habuère. Averroëm dico, & Avicennam, quorum alter in Aristotelis libros commentum edens, tantam de se posteris reliquit gloriam, ut nostrorum plerique ipsum Aristoteli in Philosophiâ æquare non dubitarint. Alias verò non solum Philosophiæ vacans, de quâ plures edidit libros; sed etiam medicinæ artem quantum nemo veterum alius, suis voluminibus illustravit. His addo sententiarum Magistrum, Romanum Ægidium, Jo: Scotum, Alexandrum de Ales, Bonaventuram, Franciscum Marronem, Jacobum Forliviansem, Parmensem Blasium, Vgonem Senensem, Paulum Venetum, Loysium Marsilium Florentiæ natum, Monachum illum, qui medicinæ artis: *Plusquam commentum* edidit, Innocentium quintum & Benedictum undecimum Pontifices, Prædicatorum Ordinis Hugonem item, & Joannem Dominicum Cardinales, Marsilium ex Sanctæ Sophiæ oppido. Ex Fulgineo Gentilem: quorum præclara ingenia nihil in Philosophiâ. aut Medicinâ

intactum reliquerunt. Prætereo multos, quos præcipuos Philosophiæ Principes fuisse ambigit nemo. Et si apud Græcos quondam multæ Philosophantium Scholæ repertæ sunt; nunc inter nationes plures ejusmodi artes non minori frequentia, quàm tunc in illâ ferè solâ orbis parte increbuerunt. Aliis enim in locis rarum Philosophiæ studium fuit, quod Romanis quoque diù incognitum fuisse, Auctores tradunt; à quibus etiam relatum invenimus, primum Catonem censuisse pellendos ex vrbe Philosophos, quorum operâ juvenus ad nova quædam & inutilia irritari videretur. Sed nec in reliquis Italiæ partibus, præter Archatam & Pythagoræos quosdam, claros evasisse Philosophos memoriæ proditum est. Si ergo vera fateri volumus, non minor hoc tempore, aut satis ante Philosophorum numerus fuit, quàm in veteribus fuit seculis: & quantum ad Medicinam attinet, longè illa uberius à nostris, quàm ab antiquis demonstrata est, pluresque de hac ipsâ re à nostris libri, quàm à veteribus illis scripti reperiuntur. Nec in sacrâ Theologiæ sapientiâ primis Ecclesiæ Doctorebus moderniores, quorum aliquos supra retuli, protinùs cædunt. Siquidem in his differendis quæstionibus, quæ demonstratione indigent, perfectius & acutius hi postremi quàm illi veteres veritatem ipsam aperuere, Augustino excepto, qui divino quodam ingenio superavit omnes. Morales verò seu mysticos scripturarum sensus, & admirabilem earum qualibet in re copiam longè illi melius tradiderunt. Neque hæc ego auderem dicere, nisi idem esse doctissimorum in his artibus judicium comperissem, qui-

bus pro summâ, quæ illis inest, eruditione fidem
adhibendam censeo. Neque etiam si Juriscon-
sultos veteres cum novissimis compares; illis
videlicet, qui super digestis & codice commen-
tarios scripserunt, scientiâ, ingenii acumine,
diligenti casuum discussione, nullâ ex parte hi
primis inferiores cuiquam videbuntur, qui dici
vix potest, quàm miro ordine, quibus argumen-
tis, quàm subtili investigatione, ut Poëtæ ver-
bis utar, legum nodos & ænigmata dissolverunt,
casûsque à legibus ipsis indecisos demonstratio-
ne optimâ deciserunt. Quò magis admirari so-
leo, quosdam juris ignaros arrogantiam quâdam
inani literarum peritiæ seu Rhetoricæ artis, cu-
jus eruditi videri volunt, illorum scriptis detra-
here, velut si non insignes fuissent viri, sed indo-
cti penitus & rudes. Quibus ego assentirer, si
duntaxat ejusmodi libros absque ornatu elo-
quentiæ scriptos arguerent; nec propterea con-
sequens est, ut in jure interpretando declaran-
dòque non summi & peritissimi fuerunt; cujus-
cum ignari ipsi sint, modestius agerent, si Do-
ctorum in eâ re, non suum judicium sequerentur.
Igitur fateri æquum est, priores quidem juris-
consultos elegantiam, eloquio, literarum peritiâ
nostros antecisse: scientiâ verò & ingenii acu-
mine recentiorum libros magis repletos esse,
magisque ubiquè terrarum facultatem hanc æta-
te nostrâ, quàm vigente Romano Imperio flo-
ruisse. Accessit quoque novissimè Pontificii ju-
ris & Decretorum doctrina insignis, quæ per
universum Christianum orbem diffusa multo-
rum libris graviter & copiosè demonstrata est;
per quam institutis optimis Sacro-sanctâ regi-

tur Ecclesia, non vanis & ridendis ritibus, quibus olim Pontifices ergà suos Deos utebantur turpibus quidem & scelestis, in quibus ferè nihil honesti, nihil, quod beatam respiceret vitam reperiebatur. Quinimò, sacra illorum omnia superstitione anili erant^a plena; inter quæ referri vix potest, quàm immensa scelera sub Religionis prætextu patrabantur. Memoria quoque proditum est, quibusdam in locis humanas Deis victimas immolari solitas, & ne dùm homines, sed etiam bestias pro diis cultas. Quo, quid insanius existimari potest, quid à veritate ipsâ remotius? Homines, scilicèt, rationis participes brutis animalibus, quibus nulla est ratio, bona omnia vitamque ipsam acceptam ferre, credereque ipsa rationis ac felicitatis expertia, quam nullo modo habent, aliis posse conferre? Itaque feliciora hæc secula putanda sunt, in quibus remotis prorsus vanis Deorù sacris Christi Sancta & verè Beata Religio supervenit, quâ cum honestè præsens agitur vita; & eâ exactâ innocentes viri divinitatis participes efficiuntur, & in quâ nil unquam reprehensione dignum reperitum est. Cujus vi tandem coacti homines nefandas in bellis cædes & crudeles urbium everfiones paulatim remiserunt, didiceruntque hostes humaniorem sibi ipsis belli legem imponere. Quis enim non horreat in bellis pristinis innumeras hominum cædes; in expugnandis oppidis mulierum & infantium raptus, & miserabiles neces; & præstantissimos homines belli jure perpetuam in servitutem actos: quæ omnia majore ex parte obsoleverunt, & velut Christianis inimica moribus solùm apud infideles barbaros remanserunt.

Et quoniam in Christianæ sermonem Religionis incidi; libet parumper ejusdem priora tempora cum his postremis conferre, quæ tu non æquijudicis; sed maledici potiùs more, verbis supra modum lacerasti. Et imprimis si vetustiores clericos seu Religiosos perscrutemur; permulti occurrent nobis, qui pro Christi nominæ cruciatus corporis & sævas perpesti mortes, Martyrii palmam receperunt; quorum ianoxio sanguine Christiana Fides præcipuè aucta & roborata est. Item qui abstinentiâ, maceratione carnis humilitate, patientiâ, vigiliis, oratione, divinitati usque adedò placuerunt; ut per eos Deus creberrima signa demonstraret: atque etiam hi, qui non solum vitæ sanctimoniâ, sed doctrinâ mirabili veritatem adversus impios errores defensarunt, procul dubiò Ecclesiæ angulares lapides. Verùm si Ecclesiasticas volves historias, longè plures invenies Episcopos, Presbyteros, seu Monachos, qui hæreses impias, Christi verum dogma laniantes, per terrarum orbem induxerunt, & qui scelestam ducentes vitam, bonos omnes immani sævitiâ persecuti sunt. Recordare, quæso parumper, quot olim hæreticorum viguerunt sectæ; quantis Christi tunicam maculis denigrare conati sunt; quàm innumera inter hominum mores scandala seruerunt; quantus ob eorum facta dictaque innoxiorum sanguis est effusus. Pone, oro, ante oculos Donatistas, Manichæos, Priscilianistas, Nestorianos, Arrianos, Tazianistas, Barbarianos, Euchitas, Messalianos, Paulinos, Marcellianos; Hebrones, Helvidios, Jovinianos, & hujuscemodi monstra penè infinita intelliges profectò, quibus in angustiis, quàm

in cœco carcere Christianorum mentes versabantur ; quàm periculosa erat tunc eorum vita, quonam modo Dei Ecclesia tantis disiecta machinis se haberet. Erant quidem non pauci boni: sed incredibile dictu est, quibus obruerentur malis, quantâ apud omnes invidiâ laborarent. Legistine unquam Hieronymum, Ambrosium, Augustinum, fidei lumina in eo præsertim insudasse, ut, videlicet, Hæreticorum dogmata confutarent, proculque à se ipsis invidorum calumnias repellerent, quibus assidue agitabantur? An legisti etiam, quas Athanasius, Basilus, Jo: Chrysostomus ab improbis Episcopis passi sunt persecutiones? Quale de Beato Gregorio post ejus obitum fuerit universi Romani Cleri judicium; à quo certè tanti viri damnata fuisset vita, nisi Deus benignè Sanctum suum respexisset? Apud Ruffinum quoque legimus, cum in Nicœnâ vrbe concilium fieret; quo Atrii dogma impium damnaretur, eidemque præesset Constantinus Princeps, Episcopos ferè omnes, qui veritatis causâ tuendæ eò convenerant; ejusmodi relictâ curâ, primò se invicem multorum scelerum apud Principem ipsum accusasse; caruissètque tunc patrocínio Christi fides, nisi bonus Imperator eorum improbum facinus honestè arguisset. Laudantur multi jure ac meritò, qui Martyrio coronati sunt; sed de multis etiam traditur, qui vel tormentorum metu, vel aliam ob causam Christum Deum abnegarunt, & ad Deorum sacrificia se verterunt. Quàm plures numero tunc eruditissimi, sanctive fuerunt; quàm multi etiam indocti, rudes, flagitiis dediti reperti sunt, quos quidem eò nequiores fuisse censeo.

quò magna videntes prodigia , nihil tamen movebantur , sed obstinatis animis in errorum vefania perseverabant. Nunc verò tempus quod à quadringentis citra fluxit annis inspicere. Primum quidem intra ætates istas duos fuisse invenies , qui prodigiis & signis multis , & quâlibet vitæ sanctimoniâ nequaquam Antiquis inferiores tibi videbuntur. Quis enim vel mediocriter doctus ignorat , quales Beatus Franciscus , & Beatus Dominicus fuerunt , quâ patientiâ , quali humilitate , quantâ carnis maceratione seipsos & sua corpora superarunt. Quàm incredibilem egerunt pœnitentiam , quàm multas , quàm varias passi sunt afflictiones , quàm frequenter & assidue in jejuniis in fletu , in orationibus versabantur. Per hos Deus homines adeò crebra ostendit prodigia , ut vix ea quidem numerari possint ac referri. Ab his duobus novæ Religionis regulæ tales emanarunt , quales nulla vidit antiquitas. Nam ex utriusque Ordine Fratres tam innumeri evasere , ut totus orbis ab eis illustratus sit. Nulla enim ferè [orbis] pars referri potest , ad quam Sanctissimi Francisci Religio non pervenerit. In his duabus vivendis normis incredibile dictu est , quot sancti viri , quot etiam in omni doctrina præstantissimi floruerunt , à quibus Christiana fides usque adeò adjuta est , atque amplificata ; ut per illos Christiano more vivere longè melius didicerimus. Multa ab his hominum vitia vel imminuta vel penitus extirpata sunt. Hodiè quoque mirabiliter coaluerunt. Ab his enim Prædicandi modus ; ab his humilitatis , patientiæ , paupertatis , & omnium , virtutum exempla prodire , prodeuntque assidue ; nec ali-

quis est Christiani orbis locus, in quo non multi ejusmodi hominum conventus reperiantur. Quid de Monachis dicam, quorum tantus est numerus ut penè infiniti videantur? Neque etiam Beati Augustini, Hieronymi, Gloriosæ Virginis Carmelitarum ordines omittendi sunt; in quibus multi eruditissimi, & sanctissimi viri surrexerunt. Monialium quoque penè infiniti sunt cœtus, quæ vitam in terris cœlestem agent, immaculatas se hostias Deo offerentes, nullis pollutæ mundanis sordibus, sed Angelorum simulachra quædam exprimentes; quarum plerasque vidimus ipsi futurorum præcias, & admirandis prodigiis claras. Nec me præterit, communem te criminandi viam ingressum, pro malis quibusdam clericis bonos simul maledictis lacerasse. Neque enim negare possumus, ex eis multos ætate nostrâ & superioribus etiam improbos repertos; sed nec omittendum erat, fuisse multos, ac etiam nunc esse, optimos & in omni virtutis genere clarissimos, vitæ quoque sanctimoniæ celebres quorum nedùm verbis, sed exemplis optimis Christianorum mentes illustratæ sunt, Audebisne dicere Religiosos illos, qui regulæ suæ observantes vocitantur, non ferè omnes sanctæ atque integerrimæ vitæ esse, & haberi; atque ità mundi illecebras horrere, ut ne illas quidem audire patiantur? Quisquam ne adeò demens est, qui existimet, ejusmodi homines si mali esse cuperent, eam vitam eligere, quæ sit arctissima, & à cunctis mundi delitiis procul remota, in quâ nil nisi corpori durum & austerrum reperitur, ut vix quidem volenti delinquendi facultas esse possit? Eorum præcipuum munus

videmus esse orationibus, fletui, jejuniis incumbere; Missarum solennia devotissimè agere; Psalmis, Hymnis, & canticis Deum laudibus prosequi; pro Christianis cunctis frequenter intercedere, & ipsorum multos sacris eruditos literis homines à flagitiis deterrere, & ad meliorem vitæ frugem deducere. Jam enim diù Christianorum omnis devotio, omnis ferè Religio deperisset, nisi religiosi sancti homines doctrinâ, prodigiis, & vitæ exemplo labantem Christi fidem protexissent, acerrimè pro illa decertantes, ut Apostolus ait, per infamiam & bonam famam. Nulli enim adeò boni reperti sunt, qui non vulgi & invidorum calumniis patuerint; præsertim Religiosi, quorum eò subtiliùs inquirunt homines minima quæque advertentes, quò illi arctiorem, quàm alii vitam profitentur. Ideòque monstri loco haberi solet, si qui ex illis etiam in parvis errasse deprehenduntur, haud æquò sanè judicio; quoniam meminisse oportet, eos homines esse, quos carnis fragilitas à mundi hujus saltem parvis erroribus minimè immunes esse sinit; quin potiùs fraterna caritate dolendum est, ejusmodi viros recto proposito in Deum conversos, & illius præceptis laboriosè inhærentes, temerè aliquandò labi, aut falli, humanâ infirmitate superatos. Sæpe etiam reor accidere, multos criminandi cupidos ea de illis in vulgus ferre quæ à veritate prorsùs aliena reperiuntur; & pro sordido habitu, pro honestis verbis, pro gravi aspectu Hypocrisim; pro doctrinâ & prædicatione, sacrarum rerum jactantiam & vanitatem; pro facetiâ scurrilitatem, pro severitate & jultitiâ

crudelitatem, pro tutelâ juris Ecclesiæ, avaritiam & rapacitatem in illis arguere. Maledicorum enim plena sunt omnia; nec antiquorum quisquam bonus sapiens aut eruditus fuit, quem non malorum aut invidorum voces lacerarint. Quanta enim de Apostolis, qualia de Christo ipso falsa & inania prædicata sunt? Nam, ut Apostolus ait, qui piè in Christo vivere cupiunt persecutiones patiuntur. Undè etiam Hieronymus testatus est; se, si hominibus placere studuisset, nequaquam Christi servum futurum; intelligens eos, qui terrenis flagitiis dediti sunt, bonos velut sibi adversos odisse, atque execrari, & quibuscunque modis mores illorum carpere; ne, videlicet, ipsis meliores videantur, vel (ut rectius loquar) ne eorum obscenî mores illorum vitæ aspectu clariùs apud omnes elucescant. Sed redeo, undè digressus sum. Non ergo inficiari potes, intra jam dictas ætates innumeros fuisse, atque etiam esse, Sanctos & eruditos clericos, seu Pontifices, seu quosvis alios consideres; neque enim omnes nunc referre institui, nè in infinitum fiat progressus, sed ex eis paucos doctrinâ & sanctimoniâ claros. Et ut à Pontificibus Romanis initium sumam; fateberis, ut opinor Gregorium decimum qui Arretii sepultus est, Cælestinum, Urbanum Quintum qui Apostolorum capita repperit, Alexandrum qui Pisis Pontifex creatus est; fuisse viros sanctos & innocentes, & non parvâ eruditione præditos. Nec etiam Innocentium, qui super Iure Pontificio commentum edidit; Gregorium illum, qui decretales epistolas in vnum redegit volumen; Bonifatium qui sextum Sacrorum Canonum librum edidit, &

Benedictum

Benedictum undecimum prætereundos censeo; qui etsi haud quaquam multâ vitæ sanctitate fuerunt celebres, tamen bonos illos fuisse, & in regendâ Ecclesiâ præstantissimos, & literarum peritissimos memoriæ proditum est. Nec non etiam multos extitisse vel vidimus vel legimus, quos licet mundi illecebræ aliquandò transversos egerint, magna & insignis virtus nobilitavit; dignos certè quorum præclaris meritis vitia quædam condonentur. Sed tu, qui Pastores novos tam acri censurâ judicas; vetustiores parumper memoriâ repere. Invenies, ut opinor, ex illis multos, quos historiæ hypocrisis, hæreseos, avaritiæ, superbiæ notaverunt. Ac si à quadringentis citra annis fuissent quidam, qui veterum more, Ecclesiæ statum & Præfules literis illustrassent, profectò, ut reor, non pauci numero Cardinales vitâ doctrinâque pollentes fuisse infra ea tempora reperirentur. Ipse quoque crebrò audiui, & apud quosdam etiam legi, Bonaventuram, Minorum Ordinis Cardinalem ne dùm Philosophiæ ac Theologiæ principem, sed sanctissimæ vitæ habitum esse; nec minore integritate floruisse Bernardum Uberrum Cardinalem ex Florentiâ ipsâ natum: plerique nunc etiam meminerunt quâ integritate, quâ religione, quâ bonarum artium scientiâ Jo: Dominicus Prædicatorum Ordinis, Nicolaus Bononiensis tituli sanctæ Crucis, Franciscus Zabarellus, Iulianus Cæsarinus Cardinales fuerint; quibus meritò addendi sunt Angelus Acciajuolus, Franciscus Burdegalensis, Alamannus Adimar, Blanda Placentinus, Antonius Caietanus; qui omnes eodem officio functi sunt, summâ cum laude & vene-

ratione. Neque hi, quanquàm servis & familiaribus multis comitati incederent, vel insolentiae vel vanitatis arguendi sunt. Quid enim ab illis fuit remotius? Sed cùm Cardinales, post Pontificem, Ecclesiae Principes habeantur; rectè institutum censeo, tali eos pompâ ab hominibus conspici; quò apud cunctos augustiores & majoris auctoritatis viderentur. Neque enim Reges, Dictatores, Consules, aut Magistratus alii, privatorum more vitam agebant; sed longè cultiorem ac splendidiorē, ut, videlicet, eorum majestas excelsior esset, & homines venerabundi simul etiam timentes eos intuerentur. Plerumquē enim magnos homines nec satis verendos dignitas facit, sed sæpè contemni videmus eos, si non major quædam accedat potentiae vis, atque auctoritas. Igitur in quovis Religionis gradu reperies has postremas ætates sanctis & eruditis viris nequaquàm fuisse vacuas; quos inter emicuere imprimis Io: Gualbertus Florentinus civis, Poggius Fæsulanus Episcopus, Actus Pistorii Præsul, Philippus servorum Ordinis, Vincentius Hispanus ex Prædicatorum Regulâ; Nicolaus de Tolentino miraculis clarus, qui Beati Augustini Religionem tenuit; Antonius, Ludovicus, & Bernardinus, Minorum Ordinis Viri Sanctissimi, prodigiis multis insignes; Petrus ex Prædicatorum Regulâ, quem vitæ integritas & Martyrii decus maximè florentem reddidere; Thomas ex Nuceriâ, quem Prophe-tiae spiritum habuisse ambigat nemo; ex Brutiis Joachim Abbas, futurorum præscius, & literis sacris apprime eruditus; Thomas de Aquino (cujus jam memini) vir non minus sanctitate,

quàm sapientiâ clarus Io: Columbini Senensis, Beata Brigida, Diva Verdiana ex Castello, quod Florentinum dicitur; Clara, Beatissimi Francisci, soror. Ex Sena urbe Catharina. Nec ultra alios referre prosequar; sunt enim nimis multi: hos verò enumerasse satis sit ad refellendum istum, qui omni calumniarum genere in Clericos in-
vectus est. At si quispiam diceret, ab antiquis nos Martyriis & prodigiis victos; consideret, idcirco ab initio plures fuisse Martyres quia cum Romani Principes, Orbis Domini, Christianos ubique persequerentur, immani sævitiâ eos trucidantes; non est admirandum, si plures tunc pro Christi nomine occubuerunt, qui ipsum certissimum Deum esse non ignorabant: nunc verò, quoniam nulla est persecutio, rarus Martyrii locus est relictus. Quod si hoc tempore aliqua vis Christi hostium immineret, neque aliter nisi fide abnegatâ evadi posset, existimo haud dubiè, quod ingens esset eorum numerus, qui mortem ipsam, & omnes cruciatus corporis constantissimè paterentur. Quis enim ignorat, ne dùm justos homines, sed Pyratas sæpè ab infidelibus captos, ne Christum negarent, sævam mortem appetisse? Quod si ejusmodi homines eâ constantiâ reperti sunt; quali futuros censes eos, qui virtutis & innocentiae testimonia præbuis-
sent? Prodigia verò eam ob causam rariora nunc esse existimantur, quoniam Christi fide tot Martyriis, tam multis signis, tot doctissimorum Libris jam fundatâ, & Christum Deum fatentibus cunctis qui Baptisma receperunt; minimè convenit, ut per ejusmodi signa homines amplius ad credendum provocentur: futuri om-

ninò infideles, si velut nimis curiosi, ejusmodi signa desiderarent; sed nemo est, qui ad fidei cultum miraculis se confirmari quærat. Christiani enim populi eam solam Christi fidem veram esse arbitrantur; reliquas verò sectas, vanas, insipidas, & erroris plenas, per quarum licentiam & insanos ritus præsertim Religionum veterum, populi corruptissimos mores imbuerunt; Christiani verò sanctæ legi assueti, longè magis, quàm veteres populi, à vitiis abstinuerunt. Ubi enim hodiè scatent tantæ, tam apertæ scelerum sordes, quales & quantæ tùm fuisse referuntur? Illis enim ætatibus creberrimo in abusu erant superbia, crudelitas, stupra infinita omnis generis, inter quæ cum pueris & spadonibus infamis coitus palam exercebatur. Assueverant multi retinere apud se florentium ætatum spadonum greges, cum quibus libidinem suam satiarent: multis in locis & præsertim Romæ lupanaria puerorum fuisse publica scriptores tradunt, quæ postea Philippus sustulit per Christi fidem, quâ imbutus erat, ad hoc impulsus. Non dies solùm, sed annus me deficeret, si velim referre immensa eorum temporum avaritiæ scelera, rapinas, scœnora, falsas confectas tabulas, propinquorum mortes, ut eorum bona caperentur, judiciorum corruptelas, bonorum oppressiones & calumnias, gulam immensam, ludos scenicos, & alios multos turpissimos, gladiatorias pugnas, proscriptiones optimorum civium, infinitos viros optimos falsis judiciis oppressos, & alia innumera, quæ penes Poëtæ & rerum scriptores quotidie leguntur. Quorum multa quamvis hoc tempore non desint; tamen.

dicere audeo , nec palàm , ut olim , nec tam crebrò à multis ea solere usurpari ; & esse populos multos , quibus illa horrore sint , & omnes ferè , quibus Christi placet Religio , timidiore ad nocendum factos. Quamobrem admirari cogor , te nequaquam literarum expertem , hujus ætatis gentes tam acerbè incusasse , apud quas major caritas , purior fides , minor nocendi cupiditas , minor avaritia & crudelitas , minus crebra delicta omnia , virtutes multæ reperiuntur. Age nunc , antiquos Principes aut Reges considera , quos tutantis laudibus extulisti : Et imprimis Nini Assyrii prolem , à quo Rege Græcæ & Latinæ Historiæ inceperunt , cujus filius inter mulieres consenuisse memoratur , rarò à viris visus , neque aliquid unquàm ausus , quod viris conveniret ; cujus quoque posterì ; morem illum servantes , inter scortas & lascivias degentes , nunquàm conspiciebantur ; responsa per internuntios dantes ; non (ut mihi videtur) Reges , sed quorum nomine plures regna possidebant. Eorum postremum fuisse , ferunt , muliere lasciviorè , Sardanapalum nomine ; qui cum esset corruptissimis moribus , vitam simul & imperium amisit. Post cujus obitum Regnum ad Medos translatum est , qui Astyage excepto qui ultimus Regnum tenuit , obscuri penitus fuere , nec aliquid laude dignum egisse memorantur. Post illos Imperium ad Persas transit , Cyri audaciâ & virtute partum , quem præstantissimum fuisse Regem scriptores omnes tradidere. Ejus filium Cambysem , qui in Regnam successit , scelestum hominem , & parricidio , sacrile-

giisque infamem fuisse, literæ tradunt. Quo interfecto, Regnum ad Magos translatum est, nefarios & impudicos homines; postea vero ad Darium, qui per equi hinnitum rex creatus est, vir præstans, sed non qui rebus gestis ingentem gloriam acquisiverit. Huic successit Xerxes, vanus, immitis, nullius aut virtutis, aut ingenii; cujus vanitatem & jactantiam pauca Græcorum millia represserunt. Eo tandem à suis necato, Artaxerxi Imperium cessit; qui occiso fratre, aliquandiù felix habitus est: postea verò cum multos haberet filios, is quem Regem vivens fecerat, (Darius nomine) & plurimi secum fratres insidias paravere; quibus ille cognitis, filios & eorum conjuges ac liberos crudelissimè interemit. Eò postea vitâ functo, filius Ochus Regnum accepit, cunctis sævior & immanior, cognatorum cæde ac strage insigniter fœdus. Persarum ultimus Darius fuit, non tam suâ virtute, quàm quòd cum Alexandro bellum gessit, insignis; à quo tandem victus, vitam & imperium amisit. Sequuntur deinde Macedonum Reges, & Alexandri successores, qui quanquàm bellicis laudibus egregiè flourerunt, tamen ebrietatibus, vanis divinitatis figmentis, amicorum & cognatorum cædibus, multis tandem inter se bellis civilibus, & immensâ Regni cupiditate propriam famam macularunt. Quid de Parthis Regibus dicam; quorum licet plerique præstantes habitissent, tamen plurimi sævi, immanes, barbaris omninò moribus apparuerunt. Recense etiam.

etiam , si placet , Iugurthæ flagitia ; Herodis crudelitatem ; Antiochi libidines , & parricidia , Philippi qui cum Romanis bellum gessit , sævam senectam , & filii cædem ; Persei avaritiam , timiditatem , ignaviam ; multorum Ægypti Regum scelestam vitam ; simul etiam Tyrannos illorum temporum considera. Reperies pro Pisistrato Clarissimo viro & nonnullis aliis Phalaridem , Dionysios , Nabidem , & infinitos alios , qui velut humani generis hostes describuntur. At si Romanos Principes perscrutemur , fateamur necesse est ex eis longè plures numero malos , quàm bonos fuisse. Quis enim dignè accuset Tiberii libidinem , & sævitiam ; Caligulæ immanitatem , & amentiam ; Claudii vecordiam ; Neronis scelera , & crudelitates ; Othonis & Vitellii lasciviam ; Domitiani pessimos mores ; commodi , Carocallæ , Maximini , Heliogabali immensas cædes ac fordes ? Paucos numerasse intelligo , eorum respectu , qui velut monstra Orbi Terrarum imperarunt : sed consulto alios præterire institui , quia , scilicet , jam finem sermoni dandum censeo. Igitur pro quibusdam tunc Regibus , aut Principibus bonis , multi numero deterrimi fuerunt , meâ quidem sententiâ longè nequiores , quàm hi , quos vel nostrâ ætate , vel superioribus , pro malis homines notavêre. Quibus quidem temporibus multi summis virtutibus Reges , ac Principes clauerunt , quorum plerosque nominarem , nisi , quia jam finem dicendi facere tempus ad-

68 *Benedicti Arretini Dialogus.*

monet, tacere decrevissem. Et cum tandem omnes mihi assensu essent, discessimus.

*BENEDICTI ACCOLTI
ARRETINI Dialogi*

FINIS.

Ad exemplar

MS. Bibliothecæ Illustrissimi
& Clarissimi viri
ANTONII MAGLIABEQUII
Florentini, Serenissimi M. Etruriæ.
Ducis, Bibliothecarii, &c..

